



10091

唐韓昌黎集卷第二十二

明馮李蔣之翹輯注

祭文

祭田橫墓文

史記田橫初為漢將灌嬰
敗於垓下匹夫梁歸彭越

高祖卽位懼誅與其徒五百餘人入
海居島中高帝聞齊人賢者多附橫
恐後有亂乃使使赦橫罪而名之橫
與其客二人乘傳詣洛陽至尸鄉廡
置遂自劉令客奉其頭從使者馳奏
高帝流涕以王者禮葬橫旣葬二客
率其家旁皆自刎從之其餘客在海
中者聞橫歿亦皆自殺墓在河南偃
師縣尸鄉洛陽東三十里○橫歿烈
二客從之又烈五百人同死皆烈是

韓昌黎集

卷第二十二

三徑藏書

不可區區以成敗論也文公高其義
而祭之與賈生吊屈原同意晁補之
曰唐宰相如董晉亦未足言而晉為
汴州纔奏愈從事愈始終感遇語稱
隴西公而不姓後從裴度亦自謂度
知已然度亦終不引愈共天下事故
愈躊躇發憤太息於區區之橫以謂
夫苟如橫之好士天下將有賢於又
百人者至焉焦竑曰按司馬遷田橫
贊云田橫之高節賓客慕義而從橫
歿豈非至賢余因而列焉無不善畫
者莫能圖何哉史遷此贊蓋亦委之
天命也韓愈識得此意故曰抑所寶
之非賢亦天命之有常其意見超邁
直發史遷所未發

貞元十一年九月愈如東京道出田橫墓下

十一年諸本作十九年月下有十一日字如
東京或作東如京今按東京洛陽也公以貞
元十一年出長安至河陽而後如東都也十
九年秋則公爲御史是冬卽貶陽山安得以
九月出橫墓下況唐都長安謂洛陽爲東京
則可直謂之京則不可其理特甚明者據田
橫墓又在洛陽之東若自墓而走洛陽乃是
西向元和郡國志又云河陽西南至河南府
八十里其大勢亦不相合是
安得言東如京乎諸本非是
感橫義高能得
士因取酒以祭爲文而弔之
士下或有心字
○唐順之日感

橫義高能得
士便見大意

其辭曰事有曠百世而相感者

余不自知其何心

勉得淋瀝感慨

非今世之所稀孰

爲使余獻歎而不可禁余旣博觀乎天下曷

韓昌黎集

卷第二十一

三徑藏書

有庶幾乎夫子之所爲歿者不復生嗟余去

此其從誰

歿者或作歿而生
或作來皆非是

當秦氏之敗亂

得一士而可王何區百人之擾擾而不能脫

夫子於劔鋌抑所寶之非賢亦天命之有常

敗亂或作失鹿寶之
或作寶者天或作大

管闕里之多士孔聖亦

云其遑遑

或無其字非是

苟余行之不迷雖顛沛其

何傷自古歿者非一夫子至今有耿光

非或作皆

是踈陳辭而薦酒蒐髣髴而來享

集韻享靈良反按享

非是
字古今人多作上聲惟前漢禮樂志郊祀
詩云發梁揚羽申以高造茲新音永久長聲

氣遠條鳳鳥翔神夕掩虞蓋孔享
亭作平聲退之叶韻蓋有所本也

歐陽生哀辭

歐陽名詹字行周泉州晉江人也貞元八年與公同

登進士第卒年四十餘集十卷行世
新史於藝文立傳○只寫詹心事一
刺心刻骨人有言文生於情今吾
觀此一似至情故無文云茅坤曰小
序極工多悽愴嗚咽
之肯而哀辭特爾雅

歐陽詹世居閩越自詹已上皆為閩越官至

州佐縣令者累累有焉閩越地肥衍有山泉

禽魚之樂雖有長材秀民通文書吏事與上

國齒者未嘗肯出仕唐以前閩猶習夷今上

韓昌黎集

卷第二十二

三徑藏書

初故宰相常袞為福建諸州觀察使治其地

治上或有袞以文辭進有名於時又作大官

往字非是臨莅其民鄉縣小民有能誦書作文辭者袞

親與之為客主之禮諸本辭進下即屬鄉縣

字下乃屬有各至其民又屬親與云云顛倒

錯亂全無文理獨主下有人字鄉縣作縣鄉

則尚有觀游宴饗必名與之宴或作讌與讀

可取云時未幾皆化翕然化新傳作

疑與如字而之按新傳常袞京兆人建中初起為福建觀察
使始閩人未知學袞至為設學校使為文章
親加講道與為客主均禮觀游燕享
與焉由是俗一變歲貢士與內州等

詹于時

獨秀出袞加敬愛諸生皆推服閩越之人舉

進士繇詹始

此言閩人舉進士自詹始及觀林蘊泉山銘叙則謂閩川貞元

以前未有文進者也因廉使李邕公錡與啓庠序請獨孤常州也為記中有辭云縵胡之縵化為青衿其兄藻與友歐陽詹繼登正第以其年及之則藻之登第又在詹之前然長溪薛令之以中宗神龍二年擢第則又在藻之前矣退之謂由詹始豈及之未詳耶

中貞元閒余就食江南未接人事往往聞詹

名閭巷閒詹之稱於江南也久

下或有矣字

貞元

三年余始至京師舉進士聞詹名尤甚

余下有或

年十九字聞或作則或云當并由則聞二字亦有理

八年春遂與詹文

韓昌黎集

卷第二十二

三徑藏書

辭同攷試登第始相識自後詹歸閩中余或

在京師他處不見詹久者惟詹歸閩中時為

然其他時與詹離率不歷歲移時則必合合

必兩忘其所趨久然後去故余與詹相知為

深

茅坤曰兩人交情深則所言詹者真矣

詹事父母盡孝遣仁

於妻子於朋友義以誠氣醇以方容貌嶷嶷

然其蕪私善謔以和其文章切深喜往復善

自道讀其書知其於慈孝最隆也

嶷魚力切

十五

年冬余以徐州從事朝正于京師

公為徐州節度推官

詹爲國子監四門助教將率其徒伏闕下舉

余爲博士會監有獄不果上

或無監字
監或作詹

觀其

心有益於余將忘其身之賤而爲之也嗚呼

詹今其歿矣

數語何等頓挫

詹閩越人也父母老矣

捨朝夕之養以來京師其心將以有得於是

而歸爲父母榮也

以來或作而來有得或作在得或無於是字而有復

出將以有得字

雖其父母之心亦皆然詹在側雖無

離憂其志不樂也詹在京師雖有離憂其志

樂也若詹者所謂以志養志者歟

黃震曰以志養志公

韓昌黎集

卷第二十二

三徑藏書

豈特解其父毋心亦善爲詹解者

詹雖未得位其名聲流於

人人其德行信於朋友雖詹與其父母皆可

無憾也

朋友或作友朋

詹之事業文章李翱旣爲之

傳故作哀辭以舒余哀以傳于後以遺其父

母而解其悲哀以卒詹志云

之傳或作之說或作之誌故上

或有余字非是悲哀或作哀悲今按上文已連有兩哀字不應如此重複或當刪去此哀

字詹或作其

求仕與友兮遠違其鄉父母之命兮

子奉以行友則旣獲兮祿實不豐以志爲養

兮何有牛羊事實旣修兮名譽又光父母忻

忻兮常若在旁命雖云短兮其存者長終要

必成兮願不永傷友朋親視兮藥物甚良親視

或作視疾飲食孔時兮所欲無妨孔或作記壽命不齊

兮人遭之常齊一作高在側與遠兮非有不同山

川阻深兮冤鬼流行祀祭則及兮勿謂不通

哭泣無益兮抑哀自彊益或作救推生知成兮以

慰孝誠嗚呼哀哉兮是亦難忘哉下或無兮字

或刪此四字作題歐陽生哀辭後○崔羣及詹皆與公同

年劉伉姓名僅見于此他無所聞○哀詹不盡之意復寓於此

韓昌黎集卷第二十二 三徑藏書

愈性不喜書自爲此文惟自書兩通其一通

遣清河崔羣羣與余皆歐陽生友也哀生之

不得位而歿哭之過時而悲友上或有之字其一通

今書以遺彭城劉君伉君喜古文或無書字或無伉字

下君字一作伉以吾所爲合於古詣吾廬而來請者

八九至而其色不怨志益堅或無志字凡愈之爲

此文蓋哀歐陽生之不顯營於前又懼其泯

滅於後也哀一作痛今劉君之請未必知歐陽生

其志在古文耳其志上或有之志字雖然愈之爲古文

豈獨取其句讀不類於今者邪雖然下或有苟愛吾文必求其義八字八字下又或有則進知於歐陽生矣必時觀十一字思古人而

不得見學古道則欲兼通其辭通其辭者本

志乎古道者也乎或作於或無道字以上下文考之無道字即不成文理

古之道不苟譽毀於人此下或有然則吾之所為文皆有實也十

劉君好其辭則其知歐陽生也無惑焉結法

字一情極

獨孤申叔哀辭申叔字子重年二十一舉進士又二年用博學

宏詞為校書郎又三年居父喪未練而歿蓋貞元十八年也柳子厚有獨

韓昌黎集卷第二十二三徑藏書

孤君墓碣皇甫持正有傷獨孤賦而公作辭哀之○寥寥數言文氣却似

跌宕不得住其賢愚厚薄之感讀者酸鼻樊汝霖曰公嘗與崔羣書天人

好惡之說與此語意一同蓋出太史公伯夷論也虞集曰悲痛特甚詩之

可以怨者也

歟萬之生誰非天邪起語似本莊子明昭昏蒙誰使

然邪行何為而怒居何故而憐邪怒或作怨或作思怒

下或有邪字居或作為胡喜厚其所可薄而恒不足於

賢邪將下民之好惡與彼蒼懸邪或無蒼字抑蒼

茫無端而斃寓其間邪寓下或有於字歿者無知吾

爲子慟而已矣如有知也子其自知之矣無武

自字或無之字或無自字而有之字○語快利濯濯其英擘擘其光

如聞其聲如見其容此句或作如處其旁非是或云以容叶光用古韻

鳥虜遠矣何日而忘鳥虜或作嗚呼○劉辰翁曰未六句狀成

者之英靈而寄之以追遠之思哀歎之情可謂曲盡

祭穆員外文爲崔侍御作舊本篇首題云維年月日故人博陵崔

穆員公之靈按端公未詳豈穆員邪舊傳

員卒檢校員外郎杜亞留守東都辟

爲從事皆與此文合新傳員終侍御

史故舊本稱端公也穆員字與直懷

州河內人宣州觀察使寧之子工爲

韓昌黎集

卷第二十二

三徑藏書

文崔侍御名愬無傳

於乎建中之初予居于嵩攜扶北奔避盜來

攻奔或作歸晨及洛師相遇一時顧我如故眷然

顧之如或作無卷或作睇子有令聞我來自山子之峻

明我鈍而頑峻或作俊道旣云異誰從知我我思

其厚不知其可知其或作知而或作可而於後八年君從

杜侯我時在洛亦應其招貞元五年十二月以杜亞爲東都留

守亞辟員爲從事檢校員外郎愬時亦爲亞所辟留守無事多君子

僚罔有疑忌維其嬉游艸生之春鳥鳴之朝

我戀在手君揚其鑣君居于室我既來卽或

以嘯歌或以偃側嘯或作咏誨余以義復我以誠

復我或作我復今按下文云無非德聲則此二句專指穆也當作復我終日以

語無非德聲以或作與主人信讒有感其下殺人

無罪誣以成過入救不從反以為福赫赫有

聞王命三司察我于獄相從係縲曲生何樂

直歎何悲曲或作直直或作曲二何或皆作可皆非是上懷主人

主或作王非是內閔其私閔或作憫或作闕皆非是進退之難君

處之宥君或作居非是既釋于囚我來徐州道之悠

韓昌黎集卷第二十二三徑藏書

悠思君為憂令狐運為東京牙門將亞惡其為人會盜劫輸絹於洛北運適

岐近郊亞意其為之命員及從事張弘靖鞠其事無之亞怒囚員等員由此知名我

如京師君居父喪哭泣而拜言詞不通我歸

自西君反吉服晤言無他往復其咎其疑當作如

不日而違重我心惻自後聞君母喪是丁痛

毒之懷六年以弁弁一作經孰云孝子而頰厥靈

今我之至入門失聲失或作哭酒肉在前君胡不

餐升君之堂不與我言於乎歿矣何日來還

直叙平生只著數語哀悼亦輕利

祭郴州李使君文

公貞元十九年冬出為陽山令過郴州識

李使君前有李員外寄紙筆及又魚詩卽所謂獲紙筆之雙蟹授又魚之

短韻也其生平契分皆序此文○筆墨間錄云祭李郴州文尤雄奇非他

作可

維年月日將仕郎守江陵府法曹參軍韓愈

謹以清酌庶羞之奠敬祭于故郴州李使君

之靈

一本此篇首題云維元和元年歲次景戌二月乙未朔二十四日戊午將仕郎

云云使君員外三兄之靈破之唐曆皆合

古語有之白頭如新傾

蓋若舊顧意氣之何如何日時之足究

何或作曷

韓昌黎集

卷第二十二

三徑藏書

當貞元之癸未惕皇威而左授

未或作西非是按癸未貞

元十九年正退之既陽山時也

伏荒炎之下邑嗟名顏而位

仆歷貴部而西邁邇清光於暫覲

於或作而言莫

交而情無由既不賈而奚售

莫或作若或作若而下無情字

哀窮遐之無徒挈百憂以自副

遐或作荒窮遐或作遐荒

徒或作圖

辱問訊之綢繆恒飽飢而愈疚接雄詞

於章句窺逸跡於篆籀

籀直右切○周宣王太史籀造大篆因以

為各苞黃甘而致貽獲紙筆之雙賀投又奠之

短韻媿翰瑕而舉秀埃新命於衡陽費薪芻

於館候

柳在衡山之陽貞元二十一年公以順宗赦徙椽江陵待命於柳云

大亭以見處憇水木之幽茂逞英心於縱博

沃煩腸以清酌

以一航北湖之空

明覿鱗介

之驚透宴州樓之豁達衆管啾而並奏

啾或作啾

○選閑居賦管啾啾而並奏

得恩惠於新知脫窮愁於往

陋

窮或作寬

輟行謀於俄頃見秋月之三

穀逮天

書之下降猶低迴以宿留

上音秀下音溜○前漢宿留海上史

記宿留之數日無所見

念睽離之在期謂此會之難又

授縞紵以託心

左傳吳季札聘鄭見子產如舊相識與之縞帶子產獻紵

韓昌黎集

卷第二十二

三徑藏書

示茲誠之不謬

授或作授

儻後日之北遷約窮

歡於一晝雖椽俸之酸寒要拔貧而爲富何

人生之難信捐斯言而莫就始訝信於暫疎

遂成凶於不救

承或作成於一作而

見明旌之低昂尚

遲疑於別袖

明諸本作銘非是○明旌字見檀弓鄭注神明之旌也

憶

交酬而迭舞奠單盃而哭柩美夫君之爲政

不橈志於讒構

橈或作僥或作撓从手皆非是

遭辱舌之紛

羅獨陵晨而孤確

陵一作凌

彼儉人之浮言雖百

車其何詬

車或作年非是○後漢書馮衍出妻書云詞詬百車韓蓋用此

洞

古往而高觀固邪正之相寇幸竊覩其始終
敢不明白而蔽覆神乎來哉辭以爲侑侑勸也
尚饗

祭薛助教文

公達字大順詳前李固典見公所誌墓云

維元和四年歲次己丑後三月二十一日景

寅

丙寅作景寅避唐諱也後三月出史記有後九月

朝散郎守國子

博士韓愈太學助教侯繼謹以清酌之奠祭

于亾友國子助教薛君之靈

徹墓誌石本作議繼下或有等

字薛君之靈一本作河東薛君七官之靈

嗚呼吾徒學而不見施

韓昌黎集

卷第二十二

三徑藏書

設祿又不足以活身天於此時奪其友人

悼本

友竟從自家作感慨妙

同官太學日得相因奈何永違

祇隔數晨笑語爲別慟哭來門來或作東藏棺蔽

帷欲見無緣皎皎睂目在人目前酌以告誠

庶幾有神嗚呼哀哉尚饗

祭虞部張員外文

員外張季友也公同王涯崔羣許季同庚

承宣刑冊等六人者皆與張貞元八年同年進士時陸贄典貢舉故文有

司我明試時惟邪彥之語詳見公誌其墓云

維年月日愈等謹以清酌庶羞之奠敬祭于

亾友張十三員外之靈

一作元和十年或作維元和十年月日中

書舍人王涯攷功郎中知制誥韓愈禮部侍郎崔羣京兆尹許季同攷功員外郎庾承宣河中節度判官殿中侍御史邢冊等謹以云云嗚呼往在貞元俱從

實薦司我明試時維邦彥各以文售幸皆少

年羣遊旅宿其歡甚焉出言無尤有獲同喜

他年諸人莫有能比倏忽逮今二十餘歲存

皆表白半亦辭世外纏公事內迫家私中宵

興嘆無復咎時如何今者又失夫子

今者或作於今

懿德柔聲永絕心耳廬親之墓終喪乃歸陽

韓昌黎集

卷第二十二

三徑藏書

瘖避職妻子不知分司憲臺風紀由振途遷

司虞以播華問不能老壽孰究其因託嗣於

宗天維不仁

託嗣或作嗣託

酒食備設靈其降止論

德叙情以視諸誅尚饗

祭河南張員外文

貞元十九年冬公與張署自御史俱出南

方爲令明年順宗卽位俱徙江陵故

凡道塗經涉唱和契濶皆具此文公

方從晉公討蔡祭其在元和十二年

八月歟張之行奇雖句詰字與其叙
事則灑灑一氣如話不爲聲格所縛
佳佳劉辰翁曰公之奇崛
戰鬪鬼神處令人神眩

維年月日彰義軍行軍司馬守太子右庶子兼御史中丞韓愈謹遣某乙以庶羞清酌之

奠祭于亾友故河南縣令張十二員外之靈

或無守太子右庶子字貞元十九君為御史余以無能

同詒金時詩或作時○選潘岳關中詩列營某時注時立也君德渾

剛標高揭已有不吾如唾猶泥滓余戇而狂

年未三紀乘氣加人無挾自恃戇音卷○自古才士少年

相乘輔以浮誇賈禍賢如退之不免彼婉孌者實憚吾曹側肩

帖耳有舌如刀我洛陽山以尹臈豚君飄臨

韓昌黎集卷第二十二三徑藏書

武山林之牢臨武縣名在郴州歲弊寒兇雪虐風饕

顛於馬下我泗君咷雪虐一作嘯虎以顛於馬下言之由虎聲懼也

風饕謂虎貪風而嘯不已虎近於虛訛自此也饕或作號非是不成文理以上語歲弊寒

兇言之入字相偶當為雪虐明甚咷音桃○句法字法特奇我泗君咷尤曲盡墮馬光景

夜息南山同臥一席守隸防夫舐頂交跖頂或

作項非是○說文跖足下洞庭漫汗粘天無壁風濤相壓

中作霹靂追程盲進颿船箭激颿呼回切颿或作帆或作

飄南上湘水屈氏所沈二妃行迷淚蹤染林

上或山哀浦思鳥獸叫音余唱君和百篇在

吟君止于縣我又南踰把觥相飲後期有無
期宿界上一又相語自別幾時遽變寒暑枕

臂欷眠加余以股遠或作復僕來告言虎入

廐處無敢驚逐以我驟去君云是物不駿於

乘虎取而往來寅其徵我預在此與君俱膺

猛獸果信惡禱而憑驟音蒙寅或作賈其義

為寅緣之寅非是獸一作首猛獸或作孟首謂正月孟春一歲之首

也張言來寅其徵以虎為寅神故言來歲寅

月當有徵證孟首果能歸也其說亦是○按

公貞元十九年與張俱令南方明年冬會宿

臨武界上虎入公廐取驟去驟即所乘之驢

也虎寅屬公載張語云驟不駿虎取之則亨

韓昌黎集

卷第二十二

三徑藏書

矣不待禱而有憑也已而順宗即余出嶺中

位皆改江陵府椽公法曹張功曹君埃州下偕椽江陵非余望者柳山奇變其

水清寫泊砂倚石有遺無捨砂俗字本作沙

也或謂心不欲見而見日還衡陽放酒熊咆

虎嗥不存令章罰籌蠅毛不存或作存不罰

酒令違令則罰唐人會飲以籌記委舟湘漉

往觀南嶽雲壁潭潭穹林攸擢雲或避風太

湖七日鹿角太或作大○鹿角洞庭湖中地

有鹿角驛朱有鈎登大鮎鮎奴兼切○楚辭

鹿角巡檢司也鮎鮎鮎鮎兮延延注鮎

齷 怒頰豕狗狗許角切或作豕非是○狗豕聲 齷盤炙酒羣

奴餘啄忝官階下晉下尻高尻苦刀切○前漢東方朔尻益

高說文睢也 脊梁盡處 下馬伏塗從事是遭予徵博士

君以使已元和元年六月公名為國子博士署掾江陵半年邕管奏為判官不

往相見京師過願之始分敎東生君掾雍晉

雍於用切○元和二年公分敎東都署為京兆府司錄參軍雍州名書黑水西河惟雍州

兩都相望於別何有解手背面遂十一年君

出我入如相避然生闕歿休吞不復宣生闕歿休

或作生歿 休咎非 刑官屬郎引章許奪許奪或作奮許又非許奪

韓昌黎集卷第二十二 三徑藏書

皆非是○奪謂爭執不與猶今言定奪公事也墓志云守法爭議棘棘不阿即此 權

臣不愛南昌是幹按墓志張自刑部出刺虔州然則昌當作康 明

條謹獄氓獠戶歌獠張綬切 又力道切 用遷豐浦為人

受瘥署自虔州改澧州刺史民稅出雜產物與錢尚書有經數觀察使牒州徵錢倍

數經署曰刺史可為法不可貪官害民留牒不肯從竟以代罷瘥病也 還家東

都起令河南屈拜後生憤所不堪屢以正免

身伸事蹇境歿不昇孰勸為善丞相南討余

辱司馬元和十六年以宰相裴度為淮西宣慰處置使南討淮蔡公為行軍司馬

議兵大梁走出洛下時宣武軍節度使韓弘為諸軍都統使將出討

公諱弘
稟事

哭不憑棺奠不親斝不撫其子塋不

送野望君傷懷有隕如瀉

望君或作
定居非是銘君之

績納石壤中

中或作下○公為
張誌其墓故云

爰及祖攷紀

德事功

紀或作已事或作著事功作著功於
理亦順但下文便有外著後世則重

出著字又似可疑姑从舊木作事蓋紀其德
紀其事紀其功也又恐或是序字以似而誤
然無所據不
敢輒改也外著後世鬼神與通君其為憾

不余鑒衷嗚呼哀哉尚饗

祭左司李員外太夫人文

謂與其子同
僚必公為職

方員外
郎時也

韓昌黎集

卷第二十二
十七

三徑藏書

維年月日某官某等謹以清酌庶羞之奠敬

祭于某縣太君鄭氏尊夫人之靈

某等或作
某乙等

胄于茂族配此德門克成厥家享有全福為

婦為母再朝中宮稽紳推榮宗黨是則某等

幸隨令子同服官僚庶展哀誠式陳牢醴尚

饗

祭薛中丞文

一本作同李迥吉孟簡張
惟素張賈祭○薛中丞存

誠也薛嘗劾浮屠鑿虛罪抵成表李
位無罪事見舊史本傳甚詳○薛行
事有可稱述此作特
爾爾多泛常語何也

維年月日一作元和九年某官某乙等謹以清酌庶

羞之奠祭于亾友故御史中丞贈刑部侍郎

薛公之靈公之懿德茂行可以勵俗清文敏

識足以發身宗族稱其孝慈友朋歸其信義

累昇科第亟踐班行左掖南臺共傳故事左按

掖給事中南臺御史中丞北齊號御史臺為南臺詩人墨客爭諷新

篇羽儀朝廷輝映中外長途方騁大限俄窳

聖上軫不憇之悲左傳哀公十六年夏四月己丑孔子卒公諱之曰旻

天不弔不憇遺一老俾屏余一人以在具僚位箕焚余在疚嗚呼哀哉尼父無自律

韓昌黎集卷第二十二三徑藏書

典云亾之歎詩大雅瞻卬人之云亡邦國殄瘁況某等忘言

斯久知我俱溲青春之遊白首相失來陳薄

奠詎盡哀誠嗚呼哀哉倘饗大月

祭裴太常文裴諱字未詳

維年月日愈等謹以庶羞清酌之奠敬祭于

故太常裴二十一兄之靈一作元和九年或月日下具給事中

李逢吉給事中孟簡吏部侍郎張惟素吏部侍郎張賈比部郎中史館修撰韓愈等五人

朝廷之重莫過乎禮雖經策具存而精通蓋

寡自郊丘故事宗廟時宜大君之所旁求丞

相之所卒問羣儒拱手宗祝醉心兄皆指陳
根源斟酌通變莫不允符天旨克協神休至
乎公卿寃昏士庶喪祭疑皆響答問必實歸
從我者足爲軌儀異我者無逃指笑動爲時
法言比古經比一作必獨立一朝高視千古而又

驅馳朋執僂俛宗親檐石之儲常空於私室

方丈之食每盛於賓筵

檐諸本作甌按古或只作檐丁濫切詳一

卷秋懷詩注○後漢明帝紀生無檐石之儲

贈必固辭求無不應

孰云其美而不永年某等早接遊從實欽道

韓昌黎集

卷第二十二

三徑藏書

義致誠薄奠以訣終天嗚呼哀哉尚饗

潮州祭神文五首

或本第一首題作祭湖神文第二首題作

又祭止雨文第三題祭城隍文第四題祭界石神文第五不立題皆元和

十四年夏秋作

維年月日潮州刺史韓愈謹差攝潮陽縣尉

史虛已以特羊庶羞之奠告于大湖神之靈

愈承朝命爲此州長今月二十五日至治下

凡大神降依庇貺斯人者皆愈所當率徒屬

奔忝致誠親執祀事於廟庭下今以始至方

上奏天子思慮不能專一冠衣不淨潔與人
吏未相識知牲糈酒食器皿狝弊不能嚴清
糈先旅切又音所猶倉胡切與粗同一本作
損○楚辭巫咸將夕降兮懷椒糈而要之注
祠神米也公羊傳猶者
日侵精者日伐又畧也又未卜日時不敢自
薦見使攝潮陽縣尉史虛已以告神其降監
尚饗

維年月日潮州刺史韓愈謹以清酌服脩之

奠祈于大湖神之靈服丁貫反或作時非是
若服作時脩當作羞矣

○禮記太享尚服脩注捶肺也曰稻既稔矣而雨不得熟以

韓昌黎集卷第二十二三徑藏書

穫也或無以穫
字非是蠶起且眠矣而雨不得老以

簇也簇千木切
簇蠶簇也歲且盡矣稻不可以復種

而蠶不可以復育也農夫桑婦將無以應賦

稅繼衣食也非神之不愛人刺史失所職也

武無之字愛
下一有此字百姓何罪使至極也神聰明而

端一聽不可濫以惑也刺史不仁可坐以罪

惟彼無辜惠以福也劃劔雲陰卷月日也劃忽

麥切劃力支切又音麗月日或作日
用非是○劃劔解也分割也刮去也幸身有

衣口得食給神役也口上或有而
字得或作有充上之須

脫刑辟也選牲爲酒以報靈德也吹擊管鼓
侑香潔也拜庭跪坐如法式也庭或作延不信當

治疾殃極也神其尚饗

維年月日潮州刺史韓愈謹以柔毛剛鬣清

酌庶羞之奠祭于城隍之神

禮記羊曰柔毛豕曰剛鬣

者以淫雨將爲人災無以應貢賦供給神明

上下獲罪罰之故乃以六月壬子奔走分告

乞晴于爾明神

下或再出爾字屬下句

明神閱人之不

辜若饗若答

饗或作響

糞除天地山川清風時興

韓昌黎集

卷第二十二

三徑藏書

白日顯行蠶穀以登人不吝嗟惟神之恩

吝或

疵作

風夜不敢怠息謹卜良日躬率將吏薦茲

血毛清酌嘉羞

羞一作肴

侑以音聲以謝神貺神

其饗之

或作茲或作鑿之

維年月日潮州刺史韓愈謹遣耆壽成寓以

清酌少牢之奠告于界石神之靈

此五字或作界石之

神

曰惟封部之內山川之神克庥于人

庥或作庇

官則置立室宇備具服器奠饗以時淫雨旣

霽蠶穀以成織婦耕男忻忻衍衍是神之庥

庇于人也敢不叨受其賜謹選良月吉月齋
潔以祀神其鑒之尚饗

鑒之或
作鑒茲

維年月日潮州刺史韓愈謹以清酌庶羞之
奠祭于大湖之神惟神降依茲土以庇其人
今茲無有水旱雷雨風火疾疫爲災各靈厥
宇以供上役長吏免被其譴賴神之德夙夜
不敢怠謹具食飲躬齋洗奏音聲以獻以樂
以謝厥賜不敢有所祈尚饗

韓昌黎集

卷第二十二

三徑藏書

唐韓昌黎集卷第二

終

昌黎先生集

唐韓昌黎集卷第二十三

明樵李蔣之翹輯注

祭文

袁州祭神文三首

一本首篇題祭城隍文次題祭仰山神祈

雨文次題又祭仰山神文元和十五年夏作○三作悉簡勁是古人古直

朴渾之文有如此今人類不為也

維年月日袁州刺史韓愈謹告于城隍神之

靈或無袁字下同刺史無治行無以媚于神祇以上或無

無字天降之罰以久不雨苗且盡歿刺史雖得

韓昌黎集

卷第二十三

三徑藏書

罪百姓何辜罪下或有或字非是蓋上句已有不應重出又未必不因上句

而誤也宐降疾咎于某躬身或無躬字○國語靡王躬身無

令鰥寡蒙茲濫罰謹告

維年月日袁州刺史韓愈謹以少牢之奠祭

于仰山之神一統志仰山在袁州府城南郡之鎮也周數百里萬仞壁立可

望而不可登故各曰神之所依者惟人人之所事者

惟神只二語起大議論今既大旱嘉穀將盡人將無

以為命神亦將無所降依不敢不以告若守

土有罪宐被疾殃於其身百姓可哀宐蒙恩

閱以時賜雨使獲承祭不怠神亦永有飲食
謹告

維年月日袁州刺史韓愈謹以少牢之奠祭
于仰山之神曰田穀將歿而神膏澤之百姓
無所告而神恤之刺史有罪而神釋之敢不
有薦也尙饗

祭柳子厚文

子厚以元和十四年十月
五日卒于柳州公其月自

潮卽袁明年自袁名爲國子祭酒此
文袁州作也故劉夢得祭子厚文有
云退之承命使牧宜陽亦馳一函候
於便道其後序柳集又云凡子厚行

韓昌黎集

卷第二十三

三徑藏書

已之大方有退之之誌若祭文在祭
文蓋謂此也○人稱公與子厚交蓋
最深茲余觀乎公爲子厚作墓誌及
祭文是不然如曰非我知子子實命
我亦煞有微意豈退之以柳坐王文
叔黨若江陵寄三學士詩同官盡才
俊偏善柳與劉云云
故有不滿之意邪

維年月日韓愈謹以清酌庶羞之奠祭于

友柳子厚之靈

維年月日一作維某年歲次
庚子五月壬寅朔五日景午

柳下或
有君子

嗟嗟子厚而至然邪自古莫不然我

又何嗟

一起灑然
有風趣

人之生世如夢一覺其間

利害竟亦何校當其夢時有樂有悲及其既

覺豈足追惟覺故效一切凡物之生不願為材

犧尊青黃乃木之災為或作謂非是○莊子

黃而文之其斷在溝中比犧尊於溝中之斷則美惡有間矣其為失性均也子之

中弃天脫馬羈玉佩瓊瑤大放厥辭馬知立切音繫

○莊子連之以羈馬注馬絆也富貴無能磨

詩秦風何以贈之瓊瑰玉佩減誰紀子之自著表表愈偉表表或作表奏非是不善

為斲血指汗顏巧匠旁觀縮袖閑旁觀或作觀旁

非子之文章而不用世乃令吾徒掌帝之制

子之視人自以無前一斥不復羣飛刺天飛

韓昌黎集卷第二十三三徑藏書

作嗟嗟子厚今也則亾臨絕之音一何琅琅

也則或作有今徧告諸友以寄厥子不鄙謂余亦託

以來凡今之交觀勢厚薄余豈可保能承子

託非我知子子實命我猶有鬼神寧敢遺墮

寧或作予念子永歸無復來期設祭棺前矢心以

辭嗚呼哀哉或無此四字尚饗

祭湘君夫人文公以元和十五年九月拜國子祭酒未離袁州

時作按舜陟方域於蒼梧二妃歿於

江湘之間俗謂湘君湘夫人墓在岳州君山廟在洞庭口公所云泊舟祠下是也

維元和十五年歲次庚子十月某日朝黻大

夫守國子祭酒護軍賜紫金魚袋韓愈謹使

前袁州軍事判官張得一此上四十四字或只作維年月日國

子祭酒韓愈謹令張得一云云以清酌之奠敢昭告于湘君

湘夫人二妃之神前歲之春愈以罪犯黜守

潮州州或作陽懼以譴灰且虞海山之波霧瘴毒

為災以殞其命或無之字舟次祠下是用有禱于

神神享其衷賜以吉卜曰如汝志蒙神之福

啓帝之心去潮卽袁十四年十月自潮徙袁今又獲位

韓昌黎集卷第二十三三徑藏書

於朝復其章綬十五年九月自袁名為國子祭酒復賜金紫退思

往管實發夢寐凡卅年於今乃合此或作三為是上文

但言前歲之禱則實發夢寐者但謂不敢忘前歲之吉卜耳此卅字恐誤翹按說文廿二十并卅三十并卅數名類之推稽聖賦中山

何夥有子百廿退之孔斃墓誌孔世卅八祭湘君湘夫人文凡卅年字統卅種糞把皆讀

為一字後人直以廿為二十卅為三十卅為四十是一字而讀為二字矣至有讀廿為奴

店切又有直作念字者其謬不知何起也為併詳之廿音入

卅音颯卅音習夙夜怵惕敢忘神之庇休

悚伏以祠宇毀頓憑附之質丹青之飾暗昧

不圭不稱靈明頓一作損圭一作佳一作獨今按圭與獨同音集韻獨潔

也明也通作圭詩古獨爲韓詩作吉圭周禮蜡氏令州里除不蠲注讀如吉圭爲韓之圭陸音曰舊讀爲圭呂氏春秋飲食必蠲潔高誘亦讀作圭此類非一今作佳由圭字訛也靈明或作明靈

外無四垣堂陞頽落牛羊入室居民行商不來祭享輒敢以私錢十萬修而作

之萬下諸本有祈于那伯四字舊碑斷折斷一作中其半仆地

文字缺滅幾不可讀謹修而樹之或無謹字廟成

之後將求玉石仍刻舊文因銘其陰以大振

顯君夫人之威神以報靈德俾民承事萬世

不怠惟神其鑒之尚饗

韓昌黎集卷第二十三三徑藏書

始將旣修樹舊碑仍刻其文於新石因銘

其陰舊碑石旣多破落文不可盡識移之

於新或失其真遂不復刻此四十二字石本附祭文後諸

本皆有之或謂後人以碑本附入刪去非也此必公所自記故石本有之當次一字

附於此

祭竇司業文竇名牟長慶二年卒公嘗誌其墓此文公自稱兵部

侍郎則是年未使王庭湊前作也

維年月日兵部侍郎韓愈謹以清酌庶羞之

奠祭于故國子司業竇君二兄之靈惟君文

行風成有聲江東魁然厚重長者之風一舉
於鄉遂收厥功屢佐大侯以調兵戎調去聲詔

曰予虞汝為郎中乃令洛陽歲且四終惟刑

之慎掌正隸僮命守高平命副儒官副或作制○唐

澤州高平郡今屬山西為澤州高平縣朱衣銀象服以崇錫

榮考妣孝道上窮官不滿能亦云達通踰七

望八年孰非翁或作逾七八年孰非望公非是○寶卒年七十四在

君無憾我意不充君之昆弟三以辭雄年兄弟五

人常牟羣庠鞏有聯珠集傳於世常字中行大曆十四年登第鞏字汝封元和二年登

韓昌黎集卷第二十三三徑藏書

第及牟為三雄矣刺史郎中四繼三同謂牟庠相繼為澤州刺史

四繼三同則常牟羣庠皆為之也於士大夫可謂顯融我之

獲見實自童蒙既凌既勸在麻之蓬愛既或作受施

非是○荀子勸學篇蓬生麻中不扶自植自視籬鼓望君飛鴻音

寇四十年餘事如夢中或本作事半如夢云古夢音平去聲通石

榮詩周公不足夢與可以守至冲叶按其語意似碎澁不如事如夢中之渾全而快健或本誤改當以重押中字之

故不知公詩多不避也分宰河洛媿立茲

躬俱官於學以繼臨洪惠許不酬報德以空

許或作詩非是○惠許謂上文愛勸而又稱許也成生莫接孰明我

衷於祭告情文以自攻嗚呼哀哉尚饗

祭侯主簿文

此謂侯喜也或注繼字非
○詳觀公此文當知其為

侯喜作公貞元十七年與喜同漁于
溫洛嘗有詩云吾黨侯生字叔迨呼
我持竿釣溫水故此又有我釣我遊
莫不我隨之語嘗薦喜於汝州刺史
盧郎中又嘗薦之於陸員外慘觀其
薦詞亦與此文惟于文學今誰過之
之意相表裏又公集中端有贈侯主
簿喜詩用是知其非繼而喜也其曰
吏部侍郎韓愈即長慶二年
年自兵部轉吏部時作

維年月日吏部侍郎韓愈謹遣男殿中省進

馬佶

退之諸子有名昶者長慶四年進士登
第小說中亦載其為集賢校理日符曰

韓昌黎集

卷第二十三

三徑藏書

爽曰殿中省進馬雖載於集而他處
不見唯符見於孟郊張籍詩中耳

致祭于

亾友故國子主簿侯君之靈嗚呼惟子文學

今誰過之子於遺義困不捨遺

困或作罔捨
或作捨皆非

是
我狎我愛人莫與夷自始及今二紀于茲

我或為文筆俾子持唱我和我問我以疑我

釣我遊莫不我隨我寢我休莫爾之私朋友

昆弟情敬異施惟我於子無適不宣弃我而

灰嗟我之衰相好滿目少年之時日月云亾

今其有誰

上句或作
人之云亾

誰不富貴而子為羈我

無利權雖怨曷爲子之方塋我方齊祠

方塋作云

或哭送不可誰知我悲嗚呼哀哉尚饗

祭竹林神文

公祭文二其一祭竹林神其二祭曲江龍皆以旱禱

其後賀兩表亦云季夏以來雨澤不降臣職司京邑祈禱實頻謂此皆長

慶三年爲京尹時作也

維年月日京兆尹兼御史大夫韓愈謹以酒

脯之奠再拜稽首告于竹林之神曰天子不

以愈爲愚不能使尹茲大衆二十三縣之人

今農旣勤於稼有苗盈野而天不雨將盡槁

韓昌黎集

卷第二十三

三徑藏書

以歿農將無所食鬼神將無以爲饗國家之

禮天地百祀神祇不失其常

或無祀字

惠天之人

不失其和

惠天下或有下字此人字當爲民字以避諱而用人字也下句同

人又無罪何爲造茲旱虐以罰也

虐或在罰下非是

將俾尹者不仁不啻不能承帝之勅以化正

其下聞無香惟腥神于惠罰無差

神于或作神之

施

罪瘠于尹愈身是甘是宜雨則時降神無爽

其聰明永饗于人無媿尚饗

曲江祭龍文

維年月日京兆尹兼御史大夫韓愈謹以香
果之奠敢昭告于東方青龍之神天作旱災

嘉穀將稿乃於甲乙之日依准古法作神之

象神農求雨書春夏兩日而不雨甲乙命為青龍又為火龍東方小童舞之丙丁不雨

命為赤龍南方壯者舞之戊巳不雨命為黃

龍壯者舞之庚辛不雨命為白龍又為火龍

西方老人舞之如此不雨命為黑龍北方老

人舞之如此不雨潛處闔南門置水其外開

北門取人骨埋之如此不雨命巫視而齋戒

暴之暴之不雨神山積薪擊鼓而焚之時或作將

祀禱神其享祐之時降甘雨以惠茲人

是非急急如律令

韓昌黎集卷第二十三 三徑藏書

祭馬僕射文馬十二名總字會元扶風人退之長慶三年冬自京

兆尹復為兵部侍郎又遷吏部侍郎其為京兆也有舉馬總自代狀今祭

文稱吏部侍郎則總以是年冬歿也

維年月日吏部侍郎韓愈謹以清酌庶羞之

奠敬祭于故僕射馬公十二兄之靈惟公弘

大溫恭全然德備天故生之其必有意將

將昌實艱初試佐戎滑臺斥由尹寺貞元十三年四月

月以姚南仲鎮滑臺辟總為從事十六年監軍使薛盈珍誣奏南仲不法總坐貶為泉州

適彼甌閩餽餽馭躡餽餽音致一作甌顛

而不踳乃得其地

踳鳥禾切

于泉于處始執郡符

遂殿交州抗節番禺

殿都甸切番音潘禺音愚○殿軍後也

去

其螟蠹蠻越大蘇

蠹或作騰

擢亞秋官朝得碩士

人謂其崇我勢始起東征淮蔡相臣是使

二十

年十月以宰相裴度為彰義軍節度使仍充淮西宣慰使

公兼邦憲以副

經紀

十二年以總兼御史大夫充淮西行營諸軍宣慰副使

殲彼大魁

厥勲孰似丞相歸治雷長蔡師

吳元濟誅總雷蔡州為彭

義雷後奏改彰義為淮西十二月以總檢校工部尚書蔡州刺史充淮西節度使

蒞

茫黍稷簪實棘茨鳩鳴雀乳不見梟鳴惟蔡

韓昌黎集

卷第二十三

三徑藏書

及許舊為皿仇命公并侯耕僭之牛

十三年五月以

總為許州刺史忠武軍節度陳許濃等州觀察處置等使激舊屬淮西故云并侯

束

其弓矢禮讓優優始誅郟戎厥墟腥臊公往

滌之茲惟樂郊

郟音邇○十四年二月誅東平節度使李師道三月以總

檢校刑部尚書為郟州刺史天平節度

惟東

有獬惟西有虺

獬音制又居例切虺許韃切○淮南子獬狗不自投於河

獬狂顛覆朋隣我餘有幾

餘有本用左氏身其餘幾之語或作

犬也

有餘非是○七月沂州軍亂殺節度使王遂

長慶元年七月盧龍軍亂囚節度使張弘靖

成德亂殺節度使田弘正二年正月魏博節度使田希自殺三月武寧軍節度使崔羣為

軍中
所逐
律萃中居斬其脊尾岱定河安惟公之

躋畢音律躋羽鬼切萃慈恤切帝念厥功還

公于朝陟于地官且長百僚十二月以總檢校尚書左僕射

尚書守戶部度彼四方孰樂可據顧瞻衡鈞將舉

以付衡鈞或作鈞衡惟公積勤以疾以憂及其歸時

當謝之秋賀門未歸弔廬已萃門一作問非是○賀門謂

賀者在門也未燕于堂已哭于次管我及公實同

危事且歿且生誓莫捐弃歸來握手曾不三

四曾不濡翰酬酢文字曾不醉飽以勸酒哉

韓昌黎集卷第二十三三徑藏書

史裁副奠以叙哀其何能致嗚呼哀哉尚饗

弔武侍御所畫佛文或無佛字○武侍御一以為武少儀

謂公嘗為太學彈琴詩序少儀時為

可業後以太常少卿兼御史中丞據

南詒在元和五年一以為武儒衡據

李翱集墓誌云故相鄭餘慶尹河南

奏授伊闕尉及鄭公留守東都在元

和丕六年間然姓氏及官御史皆同

未知孰是然題目侍御其文亦曰侍御後說若近之云○退之闕異端不遺力其武侍御畫佛事自應大不然之故此文特題一弔字及篇中以安

御史武君當年喪其配歛其遺服櫛珥聾悅塞悲句甚有微意

于篋月旦十五日則一出而陳之抱嬰兒以

泣御史一作侍御節側瑟切再乃吏切擊音盤一作繁腕始銳切○禮內則咸鹽漱櫛

緹笄總注櫛梳也或云繁小囊鞞大帶也其說非是按儀禮士昏禮庶母及門內施鞶注

巾然則繁鞶字通有為浮屠之法者造武氏

而諭之曰是豈有益邪邪或作非是吾師云人歿

則為鬼鬼且復為人隨所積善惡受報環復

不窳也環一作旋所下一有其字極西之方有佛焉其土

大樂西下或無之字親戚姑能相為圖是佛而禮之

願其往生莫不如意柳子原永州龍興寺修淨土院記中州之西有

韓昌黎集卷第二十三三徑藏書

國曰身毒釋迦示現之地彼佛言曰西方有世界曰極樂佛號無量壽如來其國無三惡

入難象寶以為飾其人無七纏九惱羣聖以為友有能誠心大歸願生是土者苟能念力

具足則往生彼國然後由三界之外武君憮然辭曰吾儒者其

可以為是既又逢月旦十五日復出其篋實

而陳之其篋或無其字抱嬰兒以泣且殆而悔曰是

真何益也吾不能了釋氏之信不又安知其

不果然乎或無且字乎字或本且字在悔字下於是悉出其遺

服櫛佩合若干種就浮屠師請圖前所謂佛

者浮屠師受而圖之韓愈聞而弔之曰嗚呼

今日存丁寧兮耳言

誓誓或作誓誓

忽不見兮不聞

見下或有不有字或無兮字

莽誰窮兮本源圖西佛兮遣

予慙以安塞悲兮慰新寬

新上或有斯字

嗚呼奈何

今弔以茲文

祭故陝府李司馬文

一本無故陝府三字○李漢之父

雍王會

七世孫長慶元年二月卒詳見公所誌邢墓

維年月日守國子祭酒賜紫金魚袋韓愈謹

以清酌之奠祭于故陝府左司馬李公之靈

曰公學以為耕文以為獲發憤孤身復續厥

韓昌黎集

卷第二十三

三徑藏書

家

孤或作若續或作績

選于吏部亟以科進歷臨大邑

惟歧有聲

惟或作為

遂丞宗正日朝帝庭出輔陝

都吏畏僚慕子婦諸孫盈于室堂公姑悅喜

五福具有

始或作始非是

大夫士家孰不榮美如何

不常以至大故嗚呼哀哉愈以守官不獲弔

送昏姻之好以哀以悲敬致微禮公其歆之

歆或作昭尚饗

祭十二兄文

十二兄公之從兄爰也為號州司戶以元和元年六月

月遂卒號州即其年九月葬于州十里文所謂歸女毅男反骨本原公蓋

蓋有異時歸墓于先原之意云。○寥寥數言總見至情所謂銷魂處正不在多也。

月日從父弟某官某乙謹以清酌庶羞之奠敢昭告于十二兄故號州司戶府君之靈

故 鳴呼維我皇祖有孫八人 公之皇祖曰獻素官為桂州長

史有孫八人其孫曰會曰介曰愈曰俞曰皮見於世系表及公集者才此区人耳又有弁者以殿中侍御史歿於平涼 惟兄與我後歿

孤存奈何於今又弃而先 於今一作今日 生不偕居

疾藥不親歛不摩棺瘞不繞墳趨奔束制生

韓昌黎集 卷第二十三 三徑藏書

歿虧恩 奔或作生非是 歸女殺男反骨本原其不有

年以補我愆長號送哀以薦此文尚饗 尚上或有

嗚呼 二字

祭鄭夫人文 夫人韓會之妻而公之嫂也公少孤而育于其嫂文

言其俯育之恩至矣公既為之服墓而祭之以文此貞元十一年往河陽

時作○讀公祭鄭夫人文則知鄭嫂之視公如子公亦視嫂如母也語語

驚心摧鬼豈僅求工在何調間

維年月日愈謹於逆旅備時羞之奠再拜頓首敢昭祭于六嫂滎陽鄭氏夫人之靈 維年月日

一本作貞元九年歲次癸酉
九月朔日或無謹於二字
嗚呼天禍我家

降集百缺我生不辰三歲而孤
大曆五年公父仲卿卒公

時三歲 蒙幼未知鞠我者兄
李翱為公行狀云生三歲父歿養於

舍 在灰而生實維嫂恩未亂一年兄宦王

官
亂初觀切音禱又初謹切○亂毀齒也周禮未亂者不為奴注男八歲女七歲而亂

提攜負任去洛居秦念寒而衣念飢而殮疾

疹水火無災及身
疹音辰或作疹 劬勞悶悶保此愚

庸年方及紀荐及凶屯兄懼讒口承命遠遷

遠或作南○舊史大曆十二年五月起居舍人韓會坐宰相元載黨與貶為韶州刺史退

韓昌黎集 卷第二十三 三徑藏書

之是時年十一從至貶所復志賦謂當歲行之未復從伯氏以南遷是也 窮荒海

隅天闊百年萬里故鄉幼孤在前相顧不歸

泣血號天微嫂之力化為夷蠻水浮陸秃丹

旒翩然至誠感神返壆中原
會卒于韶州年四十二公從嫂

氏歸壆河陽故李漢集序云先生生于大曆戊申幼孤隨兄播遷韶嶺兄卒鞠於嫂氏辛

勤來 既克反壆遭時艱難百口偕行避地江

濱
口或作日今按百日偕行殊為無理然或以祭老成文有就食江南零丁孤苦之語

又疑不得有百口不知此亦通良賤而言闔門之歟耳未必實計百人也當从口為是○

建中二年中原多故退之避地江左即復志賦所謂值中原之有事今將就食於江南是

也時公家于宣州

春秋霜露薦敬蘋蘩以享韓氏之

祖攷曰此韓氏之門視余猶子誨化諄諄爰

來京師年在成人屢貢于王名迺有聞

貞元二年

公自宣州遊京師

念茲頓頌非訓曷因

頌或作鈍漢書陳平傳士

之頌頌者利無耻者頌讀頌曰鈍

感傷懷歸隕涕熏心苟容

躁進不顧其躬祿仕而還以為家榮奔走乞

假東西南北南孰云此來迺賭靈車有志弗及

長負殷勤嗚呼哀哉咎在韶州之行受命于

元兄

于武作於

曰爾幼養于嫂喪服必以朞今其

韓昌黎集

卷第二十三

三徑藏書

敢忘天實臨之

貞觀中魏徵今狐德棻等議嫂叔服云或有長年之嫂遇

提孩之叔劬勞鞠養情若所生分飢共寒契闊倍老其在生也愛之同於骨肉及其歿則

推而遠之求之本原深所未論且事嫂見稱載籍非一鄭仲虞則恩禮甚篤顏洪都邛竭

誠致感馬援則見之必冠孔汲則哭之為位察其所尚豈非先覺嫂叔舊無服今請服小

功正月制可公幼養於嫂服朞以報可為士大夫之法矣李漢序公文集及李習之狀亦

云嗚呼哀哉日月有時歸合塋封終天永辭

絕而復蘇伏惟尚饗

祭十二郎文

老成率府參軍韓介之子也介二子曰百川曰老成

起居舍人會無子以老成為後老成生湘滂百川歿公乃命滂歸後其祖

韓昌黎集

卷第二十三

三徑藏書

茅坤曰情意刺骨祭文中千年絕調郭正域曰滿眼涕洟無限傷神情真

年月日

一無日字或作貞元十年五月二十六日

季父愈聞汝

喪之七日乃能銜哀致誠使建中遠具時羞

之奠告汝十二郎之靈

一本郎下有字字按郎子是當時語此雖

不必存亦不可不知也嗚呼吾少孤及長不省所怙惟

兄嫂是依中年兄歿南方吾與汝俱幼從嫂

歸壘河陽既又與汝就食江南零丁孤苦未

嘗一日相離也

事悉詳祭鄭夫人文

吾上有三兄皆不

介公及會介皆仲卿子至是會介百川皆歿矣故文云吾上有三兄皆不

幸早世承先人後者在孫惟汝在于

惟吾又云去年東野往吾書與汝蓋

貞元十八年有述東野序是必為十

九年作矣○昔人云文須有為而作

蓋情之所及自然流為至文如退之

祭十二郎一篇字字是血字字是淚

未嘗有意為文而文無不工此所以

為奇也劉辰翁曰讀如此文雖千載

之下尚可招魂復起樊汝霖曰斯文

蓋公所謂喜往復善自道者在當時

無對後二百七十年歐陽文忠公為

其父作龍岡阡表始足以追配安子

順曰讀諸葛孔明出師表而不墮淚

者其人必不忠讀李令伯陳情表而

不墮淚者其人必不孝讀韓退之祭

十二郎文而不墮淚者其人必不友

幸早世承先人後者在孫惟汝在子惟吾兩世一身形單影隻嫂常撫汝指吾而言曰韓

氏兩世惟此而已汝時尤小當不復記憶吾

時雖能憶亦未知其言之悲也樓助曰文字反覆曲折悲

痛懷腕道出肺腑中事吾年十九始來京城其後四年

而歸視汝又四年吾往河陽省墳墓遇汝從

嫂喪來塋往上或無吾字又二年吾佐董丞相于汴

州汝來省吾止一歲請歸取其孥相下或有幕字○貞

元十三年董晉帥汴州明年丞相薨吾去汴州汝不果

韓昌黎集卷第二十三十八三徑藏書

來是年吾佐戎徐州是歲秋張建封辟公為徐州節度推官使

取汝者始行吾又罷去汝又不果來佐上或有又字

者上或有使字○十六年又月張建封卒公西歸洛陽吾念汝從于東

東亦客也不可以久圖久遠者莫如西歸將

成家而致汝或有兩圖字一屬上句非是嗚呼孰謂汝遽

去吾而歿乎謂或作爲而下或有先字○自吾年十九以下追憶其合離之

不常率不可合而遽歿意只是平平又述讀之自不覺酸楚吾與汝俱少

年以為雖暫相別終當久相與處故捨汝而

旅食京師以求斗斛之祿誠知其如此雖萬

乘之公相吾不以一日輟汝而就也去年孟

東野往吾書與汝曰吾年未四十而視茫茫

而髮蒼蒼而齒牙動搖一本茫茫作茫茫云

視荒荒本此今按古書如荒忽茫茫忽之類本

一字意義多相近者存之○邵伯溫曰文用

助字椰子厚論當否不論重複檀弓曰南宮

絳之妻之姑之喪退之亦曰吾年未四十而

視茫茫而髮蒼蒼而齒牙動搖近

時惟六一文安東坡三先生知之

念諸父與

諸兄皆康彊而早世如吾之衰者其能久存

乎存或吾不可去汝不肯來恐旦暮歿而汝

抱無涯之戚也去或孰謂少者歿而長者存

韓昌黎集卷第二十三三徑藏書

彊者夭而病者全乎嗚呼其信然邪其夢邪

或無其夢其傳之非其真邪信也吾兄之盛

德而夭其嗣乎汝之純明而不克蒙其澤乎

少者彊者而夭歿長者衰者而存全乎未可

以為信也夢也傳之非其真也非上或有者

信之辭言其不應歿而成卒歸東野之書耿

蘭之報何為而在吾側也嗚呼其信然矣吾

兄之盛德而夭其嗣矣汝之純明宏業其家

者不克蒙其澤矣業或所謂天者誠難測而

咎於天與神與理哀傷之意也

神者誠難明矣

明或作得非是

所謂理者不可推而

壽者不可知矣

壽或作年

雖然吾自今年來蒼蒼

者或化而為白矣

蒼下或無者字

動搖者或脫而落

矣毛血日益衰志氣日益微幾何不從汝而

灰也

志氣或作氣志

灰而有知其幾何離其無知悲

不幾時而不悲者無窮期矣汝之子始十歲

吾之子始五歲少而彊者不可保如此孩提

者又可冀其成立邪

十或作一按老成二子日湘曰滂滂以季子出

繼則湘固室十歲也。汝之子始十歲謂湘也吾之子始五歲謂昶也其後湘登長慶三

韓昌黎集

卷第二十三

三徑藏書

年第一登四年第一生縮衮縮咸通四年袁七年進士天之所以昌韓之後如此孰謂不

可冀其成立邪

嗚呼哀哉嗚呼哀哉汝去年書云比

得軟腳病往往而劇

比或作此非是

吾曰是疾也江

南之人常常有之未始以為憂也

南下或無之字憂下

或無也字

嗚呼其竟以此而殞其生乎抑別有疾

而至斯乎

斯下或極乎

汝之書六月十七日也東

野云汝歿以六月二日耿蘭之報無月日

或作

日蓋東野之使者不知問家人以月日如耿

蘭之報不知當言月日

或無如字言或作時皆非是。按陸德明

經典釋文序論當時語音之訛有日而如靡異則此如字卽而字之轉耳不知當言月日者蓋言歌蘭之報所以無月日者由其不知赴告之體當具月日以報也東野與

吾書乃問使者使者安稱以應之耳其然乎

其不然乎東上或有益字稱一作傳或無其不然乎一語今吾使建

中祭汝弔汝之孤與汝之乳母彼有食可守

以待終喪則待終喪而取以來如不能守以

終喪則遂取以來其餘奴婢僉令守汝喪喪

作吾力能改葬終葬汝於先人之兆然後惟

其所願或無終葬二字願下或有焉字○林希元曰此告之欲處置其身後以慰

韓昌黎集卷第二十三三徑藏書

成者之心意到筆隨不覺其詞之刺刺也嗚呼汝病吾不知時汝

歿吾不知日生不能相養以其居歿不能撫

汝以盡哀歛不憑其棺窆不臨其穴憑上臨上或金

有得字寔披險切吾行負神明而使汝天行或作何不孝

不慈而不得與汝相養以生相守以歿一在

天之涯一在地之角生而影不與吾形相依

歿而竟不與吾夢相接吾實爲之其又何尤

彼蒼者天曷其有極自今以往吾其無意於

人世矣茅坤曰復序哀痛之情且自責其不孝不慈不與相守而分離更甚感慨

處 當求數頃之田於伊潁之上以待餘年 武年

作盡非是或云當作待盡餘年然終不如以待餘年為有含蓄也 教吾子與

汝子幸其成長吾女與汝女待其嫁如此而

已 林希元曰教子嫁女又慰死者之心自是天理人情中體貼出來 嗚呼言

有窮而情不可終汝其知也邪其不知也邪

嗚呼哀哉 或無此句 尚饗

祭周氏姪女文 公兄韓俞為開封尉女名好好元和三年周況

登第公以妻之生一男一女况後為四門博士十一年好好卒時年二十

七其詳見公所誌墓云

韓昌黎集 卷第二十三 三徑藏書

維年月日十八叔叔母具時羞清酌之奠祭

于周氏二十孃子之靈 或無子字 嫁而有子女子

之慶纏疾中年又命不永今當長歸與一世

違凡汝親戚孰能不哀饌此酒食以與汝訣

汝曾知乎我念曷闕尚饗

祭滂文 滂公之姪孫老成之子也元和十四年公謫潮州滂與其兄湘

皆侍行是歲冬公移袁州滂乃歿于袁遂葬于袁之郭南其詳見公所誌墓

維年月日十八翁及十八婆盧氏以清酌庶

羞之奠祭于二十三郎滂之靈曰汝聰明和順出於輩滌彊記好文又少與比將謂成長以與吾家如何不祥未冠而夭吾與盧氏痛傷可言可或作何思母之恩連呼以絕執兄之手勉以無悲情一何長命一何短權塋遠地孤寬無依瀝酒告情哀何有極尚饗

祭李氏二十九孃子文

此老成女公姪孫女李于妻也

維年月日十八叔翁及十八叔婆盧氏遣祀

以庶羞之奠祭于李氏二十九孃子之靈曰

韓昌黎集

卷第二十三

三徑藏書

汝之警敏和靜人莫及之

靜或作舒

姿相豐端不

見闕虧幼而孤露其然何為出從于人既相

諧熙又暴以天神何所疵生殺滅益竟誰主

尸我哀汝母孰慰窮嫠我憐汝兒誰與抱持

念此傷心不能去離奠以送汝知乎不知尚

饗

祭張給事文

張微公之從子壻也詳見公所誌墓二云

維年月日兵部侍郎韓愈謹以清酌之奠祭

于故殿中侍御史贈給事中張君之靈

御上武無

侍
字惟君之先以儒名家逮君皇破再振厥華

破名休嘗佐宣武軍鄉貢進秀有司弟之貢武作舉從事元

戎謹職以治遂拜郎官以職王憲不長其年

飛不盡翰乃生給事松貞玉剛幹父之業纂

文有光屢辟侯府亦佐梁師前人是似耄吏

嗟咨御史闕人奪之於朝大厦之構斧斤未

操府遷幽都頑倬未孚繫君之賴乃奏乞留

長慶元年三月以張弘靖為盧龍節度使微先為宣武從事累遷監察御史至是弘靖仍辟微為盧龍判官時牛僧孺奏微為真御史弘靖遣之而密奏幽州不延日久今臣始至

韓昌黎集卷第二十三三徑藏書

須強佐乃濟行半道有詔以微還之乃遷殿中朱衣象版惟義

之趨豈利之踐虺豺發蠱闔府屠割割或作剝償

其恨犯君獨高脫露刀成林弓矢穰穰刀或作刃

千萬為徒譟謹為狂君獨叱之上不負汝為

此不祥將歿無所雖愚何知慙屈變色君義

不辱殺身就德七月軍亂都知兵馬使朱克融囚弘靖於勤門館殺幕僚

等以微長者不殺置微於弘靖所居月餘遷之別館微出門罵曰汝何敢反行且罵叙即

擊君天子嘉之贈官近侍歸於一處萬古是

以歿記我之從女為君之配君於其家行實高世

無所於塋輿竟東歸

於塋或作掩塋輿或作與

誄以贈之

莫知我哀嗚呼哀哉尚饗

祭女孥女文

孥女加女居二反孥或从奴古本祭文與壙銘皆作

女孥董彥遠曰孥字傳寫之誤蓋古文如紛孥等字無从奴者公最好古

名其女不應用俗字也今按孥字通說已見第五卷李花詩○元和十四

年正月公以論佛骨貶潮州女孥年十二成于商南層峯驛詳見墓誌及

層峯驛詩女孥公第四女

維年月日阿爹阿八

爹屠可切又陟斜切○南史人歌曰始興王人

之爹起人急如水火荆土方言謂父為爹

使汝妳以清酒時果庶

韓昌黎集

卷第二十三二十五

三徑藏書

羞之奠祭于弟四小孃子孥子之靈嗚呼管

汝疾極值吾南逐

極一作亟

蒼黃分散使女驚憂

我視汝顏心知灰隔汝視我面悲不能啼我

既南行家亦隨譴扶汝上輿禿朝至暮天雪

水寒傷汝羸肌

天或作大汝或作女古本汝多作女通用

撼頓險

阻不得少息不能食飲又使渴飢歿于窮山

實非其命不免水火父母之罪

穀梁傳胎十一年子既生

不免乎水火父母之罪也

使汝至此豈不緣我艸塋路隅

棺非其棺既瘞遂行誰守誰瞻竟單骨寒無

所託依人誰不歿於汝卽寃我歸自南乃臨

哭汝

元和十五年九月公自袁州入為國子祭酒

汝目汝面在吾

眼傍汝心汝意宛宛可忘

宛宛或作宛宛○詩宛在水中央鄭

注宛坐見貌

逢歲之吉致汝先墓

長慶三年十月四日公尹京兆

發其骨歸塋河陽

無驚無恐安以卽路

以一作沒

飲食芳

甘棺興華好

芳或作柔

歸于其丘萬古是保尚饗

韓昌黎集

卷第二十三
二十六

三徑藏書

唐韓昌黎集卷第二十三終

唐韓昌黎集卷第二十四

明樵李蔣之翹輯注

碑誌

李元賓墓誌

按石刻首題云韓愈撰段季展書其後題云十一年

十二月建立疑立石在墓以後也○此是銘墓正體特謹書爵里及生年

次葬月日而行諡自蘊藉其中說者乃謂元賓年少登第而天賦無足稱

迹謬矣唐順之曰李觀本文士而又為退之之友不知發之何以如此其

略也

李觀字元賓

此文今俱石刻一本無字字

其先隴西人也

韓昌黎集

卷第二十四

三徑藏書

或無也字始來自江之東年二十四舉進士三年

登上第

東下或有食太學之祿区字

又舉博學宏辭得太

子校書一年

書下或有又字

年二十九客死于京師

于或作於既歛之三日友人博陵崔弘禮葬之于

國東門之外七里

歛下或無之字友上或有其字塋上或有賣馬字塋

下或無之字

鄉曰慶義原曰嵩原

慶義或作某鄉嵩原或作某原

友人韓愈書石以誌之辭曰

人下或有昌黎字辭上或有其

字

已虘元賓壽也者吾不知其所慕天也者吾

不知其所惡生而不淑孰謂其壽謂其或歿

而不朽孰謂之夭謂之或已虜元寶才高乎

當世而行出乎古人才或作文已虜元寶竟

何為哉竟何為哉已虜元寶諸本無此再出

字石本作意而郇公濟嘗歎其句法之妙謂

歐公而下好韓氏學者皆未之見遂从其說

定上字作志意之意下字作究竟之竟則予

不識其何說也竊意若非當時誤刻即是後

來字半磨滅而讀者不審遂傳此謬好事者

又從而誇大之使世之愚而好怪者遂為所

惑甚可笑也○凌約言曰近世製碑序終申

以銘猶大雉氏演法義終宜以得多是隳枯

上文不免牀上疊牀之病獨韓柳作

銘超然以他語發揮之不襲常格

韓昌黎集卷第二十四三徑藏書

崔評事墓銘

君諱翰字叔清博陵安平人安平或作平安

志淡州饒陽郡安平縣曾大父知道仕至大理司直大

父玄同為刑部侍郎出刺徐相州同或作童

相字父倚舉進士天寶之亂隱居而終君既喪

厥父攜扶孤老託于大江之南卒喪通儒書

作五字句詩敦行孝悌諷諧縱謔卓詭不羈

卓詭或無此二字又善飲酒江南人士多從

或作處世皆非是之遊貞元八年君生四十七年矣以卒日歿

之七當作

六 自江南應節度使王栖曜命于鄜州既至

表授右衛胄曹參軍實參幕府事直遣正言

補益弘多弘或作尤既去職遂家于汝州汝州刺

史吳郡陸長源引為防禦判官表授試大理

評事十二年相國隴西公作藩汴州而吳郡

為軍司馬貞元十二年七月以董晉為宣武軍節度使八月長源自汝州授檢

校禮部尚書充宣武軍行軍司馬隴西公即晉也隴西公以為吳郡

之從則賢也之從或作從事或併出之字皆非是署為觀察巡

官實掌軍田鑿澮溝斬芟茅茅或作茆按茆鳥蔡也此兼水

韓昌黎集卷第二十四三徑藏書

陸言之作為陸田千二百頃水田五百頃或無

茅為是連歲大穰軍食以饒幕府以其功

狀聞或無其字使者未復命以十五年正月五日

寢疾終於家年五十有六矣隴西公賻贈有

加自始有疾吳郡率幕府寮屬日一至其廬

問焉其既甚也日再往問焉其終也往哭焉

比小歛大歛三哭焉或無大歛字非是按上文并大歛計之乃得三

也哭於歛之二十日其妻與其子以君之喪旋

葬于汝州與或作以其二月某日遂葬于某

縣某鄉某原君內仁九族外盡賓客於其所
止其來如歸苟親矣雖不肖收之如賢苟賢
矣雖貧賤待之如貴人是故其歿也其弔者
與其哭者其聲也必哀盡焉妻鄭氏也有子
二人女一人吾聞位不稱德者有後嗚呼君
其終有後乎德者下或銘曰

朝之言嘻嘻夕之言怡怡偕入而出乘馬馳

一日不見而歔吁其悲馬下或有而字其下

憶平生作銘
辭情景慘但

韓昌黎集 卷第二十四 三徑藏書

施先生墓銘 按施士丐劉公嘉話云予嘗與柳八韓十八詣施士

丐聽毛詩說維鵜在梁梁人取魚梁也言鵜自合求魚不合於人梁上取其魚譬之人自無善事攘人之美者

如鵜在人梁上焉則毛注失之矣又說山無草木曰岫所以言陟彼岫兮無可怙也以其無艸木故以譬之又

說甘棠勿翦勿拜名伯所憇拜言人心之拜小低屈也上言勿翦終言勿

拜明名伯漸遠人思不怠也毛注拜猶伐非也又說維北有斗不可挹酒

漿言不得其人也毛都不注此新史云士丐撰春秋傳未甚傳後文宗喜

經術宰相李石因言士丐春秋可讀

文宗曰朕見之矣穿鑿之學徒爲異

同但學者如浚井得美水而已何必勞若旁求然後爲得耶○茅坤曰誌

獨詳說經及官太學本末銘亦韻折

貞元十八年十月十一日太學博士施先生

士丐卒其寮太原郭伉買石誌其墓或無太原字

昌黎韓愈為之辭曰先生明毛鄭詩通春秋

左氏傳善講說朝之賢士大夫從而執經攷

疑者繼于門繼下或有往字太學生習毛鄭詩春秋

左氏傳者皆其弟子貴游之子弟侍先生之

說二經來太學帖帖坐諸生下恐不卒得聞

帖帖或作怡怡下又有然字非是先生歿二經生喪其師仕

韓昌黎集卷第二十四三徑藏書

於學者亾其朋故自賢士大夫老師宿儒新

進小生聞先生之歿哭泣相弔歸衣服貨財

先生年六十九在太學者十九年由四門助

教為太學助教由助教為博士太學諸本如此或刪

去為太學助教由助教八字蓋言由四門助教至為博士於太學故也今按此既言其在

太學者十九年則所歷官不應但一再遷而已刪去非是但下文當去下然無

在博士上或在下文當去下然無所據不致輒改始存之以俟知者秩滿當去

諸生輒拜疏乞留下或有或遷凡十

九年不離太學一無凡下八字今按上文已云在太學者十九年則此八

字誠為重複然欲去之則或留
或遷語勢未盡姑為論而存之
祖曰旭袁州

按此誌在元和
之前去水為是
妻曰太原王氏
先生卒子

曰友直明州鄞縣主簿
鄞縣名前漢書殺鄞

鄞二縣長鄞
縣會稽縣
曰友諒太廟齋郎系曰

先生之祖氏自施父
施父魯大夫見
其後施

常事孔子以彰
一無施字○史記仲尼弟子
列傳施之常字子桓翹按孔

門姓施者不特常一人又見陶弘景真靈位
業圖云地仙散位中有施存一號婉盆子孔

子弟子三
千人數
讎為博士
漢書儒林傳施讎字
延

韓昌黎集
卷第二十四
三徑藏書

為太尉
延順帝陽嘉二
太尉之孫始為吳人

曰然曰續亦載其跡
續當作續○吳志朱然
字義封本姓施氏然子

續字
公緒
先生之典公車是名纂府前聞于光有

耀古聖人言其旨密微箋注紛羅顛倒是非

紛或
作分
聞先生講論如客得歸
得或有
卑讓肫肫

出言孔揚
中肫肫其仁鄭注肫讀
如誨爾諄諄之諄懇誠貌
今其成

矣誰嗣為宗
為或
縣曰萬年原曰神禾高四

尺者先生墓邪
檀弓孔子曰吾聞之古者墓
而不墳今丘也東西南北之

人也不可以弗識於是封
之崇四尺○結極灑然

破功員外盧君墓銘

銘或作表○公元和二年為國子博

士時作○一篇全以韓會之友四夔李栖筠辟從事為案虛步妙絕勢如

風行波生

愈之宗兄故起居舍人君

柳子厚先友記云韓會昌黎人善清

言有文章名最高然以故多謗至起居郎既官卒則起居舍人君會也子厚以為郎誤矣

以道德文學伏一世

伏或作服

其友四人其一范

陽盧君東美少未出仕皆在江淮閒天下大

夫士謂之四夔

或無少字○永泰中會與盧東美張正則崔造為友好談

經濟之略嘗以王佐自許時人號為四夔舊史載於崔造傳新史亦具載之而撫言乃以

韓昌黎集

卷第二十四

三徑藏書

何長師李華盧東美韓衢為四夔非是

其義以為道可與古之

夔臯者侔故云爾或曰夔嘗為相世謂相夔

四人者雖處而未仕天下許以為相故云

夔臯

或作臯夔後同

大曆初御史大夫李栖筠由工部侍

郎為浙西觀察使當是時中國新去亂仕多

避處江淮閒

仕或作士

嘗為顯官得名聲以老故

自任者以千百數大夫莫之取獨晨衣朝服

從騎吏入下里舍請盧君

或無晨字

君時始任戴

冠通詩書與其羣日講說周公孔子以相磨

礪浸灌婆娑嬉游未有捨所爲爲人意既起
從大夫天下未知君者惟奇大夫之取人也

不常必得人其知君者謂君之從人也非其

常守必得其從知上或無其字。退之最好用此調。其從爲太

常博士監察御史河南府司錄破功員外郎

年若干而終在官舉其職若干或作五十四夫人李

姓隴西人君在配君子無違德配上或作有作字君妣

訓子女得母遺甚或作甚得母遺後君二十年年六

十六而終二十或作若干十六或作十四將合葬其子暢命

韓昌黎集卷第二十四三徑藏書

其孫立曰乃祖德烈靡不聞然其詳而信者

宐莫若吾先人之友先人之友無在者起居

丈有季曰愈能爲古文業其家丈或作又是必能

道吾父事業汝其往請銘焉父下或有之字立於是

奉其父命奔禿來告愈謂立曰子來宐也行

不可一二舉且吾之生也後不與而祖接不

得詳也得下或有其字其大者莫若屛所與觀所與

衆寡茲可以審其德矣乃祖未出而處也天

下大夫士以爲與古之夔臯者侔且可以爲

相其德不既大矣乎大夫或作之講說周公孔子

樂其遺不樂從事於俗得所從不擇外內奮

而起其進退不既合於義乎釋或作釋銘如是可

以示於今與後也歟立拜手曰唯唯君祖子

與濮州濮陽令父同舒州望江令夫人之祖

延宗鄆州司馬父進成鄆州洛交令君祖下二十四

字或但言君祖某某官父某某官夫人之男

三人暢申易女三人皆嫁為士人妻士下或無人字

墓在河南緱氏縣梁國之原緱氏下七字或作某縣其原緱

韓昌黎集卷第二十四三徑藏書

音其年月日或無此四字非是元和二年二月十日

云十下或有四字

施州房使君鄭夫人殯表房使君房武也武刺施州

而夫人卒殯于江陵公時為江陵法曹而作繼于河南銘典元少尹房君

墓即武也

夫人之先出於周或無之以鄭為氏因初侯

周厲王少子友封於鄭是為成公其地華州鄭縣是也後世以國為氏曾祖諱

隨祖諱玠厥玠諱絳咸垂休歸于房宗生九

子左右忝稷祠春秋遺順德嚴顯且裕宜壽

而富今何謬富或作貴永貞冬至前四日寓殯墳

此非其丘

清邊郡王楊燕奇碑文

一作清邊郡王楊公神道碑

唐順之曰條次戰功極暢然不及太史公道逸

公諱燕奇字燕奇弘農華陰人也

字上或無奇字

父知古邠州司倉烈破文誨天寶中實為平

盧衙前兵馬使

盧下或有軍字

位至特進檢校太子

賓客封弘農郡開國伯世掌諸蕃互市恩信

著明夷人慕之祿山之亂公年幾二十進言

韓昌黎集

卷第二十四

三徑藏書

於其父曰大人守官宐不得去王室在難某

其行矣

宐或作義○燕奇開元二十六年生天寶十四年祿山反時燕奇年十八

其父為之請於戎帥遂率諸將校之子弟各

一人閒遣趨闕變服詭行日倍百里天子嘉

之特拜左金吾衛大將軍員外置賜勳上柱

國寶應二年春詔從僕射田公平劉展

二年或作

二歲○上元元年十一月宋州刺史劉展赴揚州揚州長史鄧景山以兵拒之為展所取

進陷揚潤昇等州二年正月平盧兵馬使田神功生禽展揚潤平今云寶應誤也又

從下河北大曆八年帥師納戎帥勉于滑州

大曆八年三月永平節度使令狐彰卒以工部尚書李勉為永平軍節度滑亳觀察等使

九年從朝于京師

是年十一月汴宋節度使田神功入朝京師九年正月神功卒神功本傳云大曆二年來朝加檢

被尚書右僕射又八年冬觀闕庭信宿而終此云九年誤也建中二年城汴州功勞居多

建中二年三月

築汴州城三年從攻李希烈先登貞元二年從司徒劉公復汴州

貞元四年十二月李希烈陷汴州興元元年十一月宋亳

節度使劉洽大破希烈之眾希烈遁歸蔡州汴州平今云貞元二年誤也劉公謂劉元佐

十二年與諸將執以城叛者歸之于京師事

平授御史大夫食實封百戶賜繒綵有加

韓昌黎集 卷第二十四 三徑藏書

或有十四年年六十一五月某日終于家自

區字始命左金吾大將軍凡十五遷為御史大夫

職為節度押衙右廂兵馬使兼馬軍先鋒兵

馬使 右或作左階為特進勳為上柱國爵為清邊

郡王食虛邑自三百戶至三千戶真食五百

戶終焉 或無自字或無區字公結髮從軍四十餘年敵

攻無堅城守必完臨危蹈難歔歔感發乘機

應會捷出神怪不喪義死不榮幸生故其事

君無疑行其事上無閒言 年或作歲○總叙最警策有神氣

初僕射田公其母隔于冀州公獨請往迎之
經營賊城出入死地卒致其母田公德之約
爲父子故公始姓田氏田公終而後復其族
焉嗣子通王屬良禎以其年十月庚寅葬公

于開封縣魯陵岡隴西郡夫人李氏祔焉

葬月

或作二月或作三月或作八月或作十月燕
奇卒於五月作二三月者誤矣但八月十月
皆有庚寅不知孰是大抵此碑多誤不曉所
以通王德宗之子謹以貞元中領宣武及
河東夫人清夷郡太守祐之孫渙陽郡長史
節

獻之女柔嘉淑明先公而俎有男四人女三

韓昌黎集

卷第二十四
十二

三徑藏書

人後夫人河南郡夫人雍氏某官之孫某官

之女有男一人女二人咸有至性純行夫人

同仁均養親族不知異焉

男一人女二人或
作男三人女一人

女上或有有字
一亦無有字

君子於是知楊公之德又行

於家也銘曰

烈烈大夫逢時之虞
作丈夫

烈烈大夫逢時之虞

作丈夫

感泣辭親從難

于秦維茲爰始遂勤其事四十餘年或禪或

專攻牢保危爵位已墜旣明且慎終老無墮

魯陵之岡蔡河在側

在或
作之

烝烝孝子思顯勳

績斷石于此式垂後嗣

河南少尹裴君墓誌銘

篇中特序世系及拜官爵卒年

月日與墓處篇末
次行事並虛景

公諱復字茂紹河東人

復或作稷按唐世系表集古錄皆作復

曾大父元簡大理正大父曠御史中丞京畿

採訪使父虬以有氣略敢諫諍為諫議大夫

或無有字諫諍二字
或作言或無諍字

引正大疑有寵代宗朝

屢辭官不肯拜卒贈工部尚書

歐陽公跋怡亭銘云裴虬

撰李陽冰篆李善書銘在武昌江水中有小島亭在其上銘刻於島石此代宗時為道州

韓昌黎集

卷第二十四

三徑藏書

刺史按此文云虬為諫議大夫不云為道州刺史唐史亦不見其事歐陽豈得之怡亭

銘公舉賢良拜同官尉僕射南陽公開府徐

州

貞元四年十一月以濠壽廬三州團練使張建封為徐泗濠節度使

書記二遷至侍御史入朝歷殿中侍御史累

遷至刑部郎中

遷或作選非是

疾病改河南少尹興

至官若干日卒實元和三年四月二十三日

享年五十夫人博陵崔氏少府監頰之女

頰音

男三人璟質皆既冠其季始六歲曰充郎

充或作彥世
系表作望郎

卜墓得公卒之四月壬寅遂以

其日墓東都芒山之陰杜翟村

芒一作邳。一統志北邙。

山在河南府城北接偃師鞏孟津三縣界東漢諸陵及唐宋各臣墓在此公幼有

文年十四上時雨詩代宗以為能將名入為

翰林學士

時寶應元年

尚書公請免曰願使卒學

或無使字

丁後母喪上使臨弔又詔尚書公曰父

忠而子果孝吾加賜以厲天下終喪必且以

為翰林

詔或作謂林下或有學士字

其在徐州府能勤而

有勞在朝以恭儉守其職居喪必有聞待諸

弟友以善教館嫠妹畜孤甥能別而有恩

有而

韓昌黎集

卷第二十四

三徑藏書

或作而以

歷十一官而無宅於都無田於野無遺

資以為葬斯其可銘也已銘曰

裴為顯姓入唐尤盛支分族離各為大家

此銘

以家叶離方言罹謂之羅羅謂之罹如詩鬼爰及楚辭多此類蓋古音通也

惟公

之系德隆位細曰子曰孫厥聲世繼

子或祖晉

陽之色愉愉翼翼

色或作邑

無外無私幼壯若一

何壽之不遐而祿之不多謂必有後其又信

然邪

其口國子助教河東薛君墓誌銘

或無河東字石本首

云朝議郎守園子博士韓愈撰○茅坤曰譽而諷

君諱公達字大順薛姓字大順或作字某曾祖曰希

莊撫州刺史贈大理卿祖曰元暉果州涪溪

縣丞贈左散騎常侍此从石本一本祖下父十六字皆闕非是

曰播尚書禮部侍郎侍郎命君後兄據據為

尚書水部郎中贈給事中據或作授○按元暉三子據摠播據

開元十九年摠十八年播天寶十一年並登第君少氣高為文有氣

力務出於奇以不同俗為主數語便伏後益藥奇與人為同

案始舉進士不與先輩揖作胡馬及圓丘詩

韓昌黎集卷第二十四十五三徑藏書

京師人未見其書皆口相傳以熟及擢第補

家令主簿佐鳳翔軍或無及擢第三字○貞元三年二月以鳳翔留

後邢君牙為鳳翔尹鳳翔隴西觀察使至是表公達佐其軍軍帥武人君

為作書奏讀不識句傳一幕以為笑不為變

笑下或有君字後九月九日大會射設標的高出百

數十尺會下或有命字令日中酬錦與金若干一軍

盡射莫能中或無盡字能中下或有者字君執弓鬻二矢

指一矢以與指或作挾或無指一矢三字非是觀下文三發三中可見揖

其帥曰請以為公歡遂適射所一座皆起隨

之或無皆字射三發連三中或無射字的壞不可復射

中輒一軍大呼以笑連三大呼笑帥益不喜

即自免去後佐河陽軍任事去害典利功為

多拜協律郎益奔奇與人為同次薛公似兩截人中有諷

意其序述射事更歷歷如畫今天子修太學官有公卿言

詔拜國子助教分教東都生元和四年年卅

七二月十四日疾暴卒卅七石本如此下二

翹特著其說已見前君再娶初娶琅邪王氏

後娶京兆韋氏或無初娶以下十二字凡產四男五女

韓昌黎集卷第二十四三徑藏書

男生輒即歿或無產字即字自給事至君後再絕皆

有名或無皆有各三字然三字之義未詳遺言曰以公儀之子

已已後我已已後我或作為已後非是按此云已已者必其子之小字也其

年閏二月廿一日廿說見上第試太子通事舍人

公儀京兆府司錄公幹以君之喪歸試下七字或作

某官京下五字或作殿中侍御史以五月十五日葬于京兆

府萬年縣少陵原合祔王夫人塋以君下二

作以君之喪銘曰十八字或

宦不途不下或有能字非是一作遷歸譏於時或

作議石
本逸
身不得又將尤誰世再絕而給祭以

不隳

監察御史元君妻京兆韋氏夫人墓誌

銘 諸本無京兆以上九字

夫人諱叢字茂之姓韋氏 茂或作成今以各義推之當作茂

其上七世祖父封龍門公 後周驃騎將軍晉州總管府長史韋

通封龍門縣公龍門之後世率相繼為顯官 通子善嗣上谷

太守善嗣子崇德太子諭德崇德子弼夫人 字國禎主客郎中萊濟商三州刺史

曾祖父諱伯陽自萬年令為太原少尹副雷

韓昌黎集 卷第二十四 三徑藏書

守北都卒贈祕書監 或無北都字 其大王父迨以

都官郎為嶺南軍司馬卒贈同州刺史王琰

夏卿以太子少保卒贈左僕射 保下或無卒字 僕射

娶裴氏臯女 或無僕射字 臯為給事中 為上或有少字非是

臯父宰相耀卿夫人於僕射為季女愛之選

壻得今御史河南元稹 選上或有其字。稹稹字微之河南人 稹

時始以選校書秘書省中 校上或有授字非是 其後遂

以能直言策第一拜左拾遺果直言失官又

起為御史舉職無所顧夫人固前受教於賢

父母得其良夫又及穀於先姑氏

固或作因
父上或無

賢字得上或有及字
及或作受皆非是

率所事所言皆從儀法

言或

作動年二十七以元和四年七月九日卒卒

三月得其年之十月十三日塋咸陽從先舅

姑兆銘曰

詩歌碩人爰叙宗親

詩衛風碩人其頤衣錦
耿衣衣齊侯之子衛侯

之妻東宮之妹邢
侯之姨譚公惟私

女子之事有以榮身夫人

之先累公累卿有赫外祖相我唐明

有或作
於祖或

作舅
非是

歸逢其良夫夫婦獨不與年而卒以

韓昌黎集

卷第二十四
十八

二徑藏書

天實生五子一女之存銘以好辭以永於閭

好或
作哩

唐韓昌黎集卷第二十四終

唐韓昌黎集卷第二十五

明橋李蔣之翹輯注

碑誌

登封縣尉盧殷墓誌

孟郊詩有弔盧殷十首其一云登封

艸木深登封道路微日月不與光荊苔空生衣可憐無子翁蚍蜉緣病肌

擊臥歲時長漣漣但幽噫幽噫虎豹

閒此外相訪稀至親惟有詩抱心灰

有歸河南韓先生後君作因依磨一片嵌巖書千古光輝蓋謂公以河南

令為盧作此誌也時元和五年云○劉辰翁曰只是直寫其事最為情痛

茅坤曰序詩一專相感歎簡而韻折

韓昌黎集

卷第二十五

三徑藏書

元和五年十月日范陽盧殷以故登封縣尉

卒登封年六十五月下或君能為詩自少至

老詩可錄傳者在紙凡千餘篇無書不讀然

止用以資為詩或無在紙二字以下或有自

字○何孟春曰韓退之登封縣尉盧殷墓誌稱殷無書不讀然止用以資

為詩夫讀書屹屹而止用以資為詩可謂錯用其心退之又云殷自少至老詩可錄傳者

千餘篇然今未聞一篇傳者樂城遺言讀書須學為文餘事作詩人耳嗚呼學者讀書其

專在為文而已乎蘇氏之文無見於道亦只是枉讀書耳言行錄劉忠肅公擊教子孫每曰士當以實行為先若止號為文人無足觀

矣
與諫議大夫孟簡協律孟郊監察御史馮

宿好期相推挽卒以病不能為官在登封盡
寫所為詩抵故宰相東都畱守鄭公餘慶

作投或無公字

畱守數以帛米周其家書薦宰相

相不能用竟飢寒歿登封將歿自為書告畱

守與河南尹

房式也

乞葬已又為詩與常所來

往河南令韓愈曰為我具棺畱守尹為具凡

葬事韓愈為買棺又為作銘十一月某日葬

嵩下鄭夫人墓中

嵩下或
有山字

君始娶滎陽鄭氏

後娶隴西李氏生男輒歿卒無子女一人學

韓昌黎集

卷第二十五

三徑藏書

浮屠法不嫁為比丘尼云

女上或有子字○國朝王元美定文

章九命一曰貧困二曰嫌忌三曰玷缺四曰

偃蹇五曰流竄六曰刑辱七曰天折八曰無

終九曰無後翹觀之退之所誌盧殷竟以一

人居其四焉如所稱仰給帛米於畱守鄭公

非貧困乎終老一尉畱守書薦宰相不能用

非偃蹇乎飢寒以歿與知故乞棺乞葬非無

終乎生男輒歿歿女一人又不嫁為比丘尼非

無後乎嗚呼若而人者蓋亦所生不辰矣豈

益至於此 袁詒業 表今又 誌其墓

房君武也公嘗為 其夫人鄭氏作嬭

房故為官族稱世有人

宦或作宦

自太尉瑄以德

行爲相相玄宗肅宗名聲益彰徹大行世號

其門爲太尉家

瑄字次律河南人天寶十五年七月玄宗拜瑄吏部尚書

同平章事至德二年五月罷廣德元年卒贈太尉

宗族子弟皆法象

其賢公會祖諱玄靜尚書膳部郎中歷資簡

涇隰四州刺史太尉之叔父也

玄靜父彥雲有二子長曰

玄基次曰玄靜玄基子融天后朝正諫大夫同鳳閣鸞臺平章事融子瑄

祖諱肱

爲號州司馬父諱巒都水使者皆名能守家

法

巒或作巒

公諱武字某以明經歷官至興元少

尹謹飭畏慎年七十三以其官終幼壯爲良

韓昌黎集

卷第二十五

三徑藏書

子弟老爲賢父兄歷十二官處事無纖毫過

差嘗以殿中侍御史副丹陽軍使其後爲蓋

屋令施州刺史丹陽蓋屋施州吏民至今思

之

蓋音轉屋音室○蓋屋唐扶風縣名今屬陝西西安府水曲曰蓋山曲曰屋前漢行

幸蓋屋

娶滎陽鄭氏女生男六人其長曰次

卿次卿有大才不能俯仰順時年四十餘尚

守京兆興平尉然其友皆曰房氏有子也次

曰次公次膺次回次衡次元始學而未仕女

三人皆嫁爲士人妻

士人或作人士

初公之在施州

夫人卒焉殯於江陵元和五年次卿與其羣弟奉公之喪自興元至堂殯于伊水之南公改

塋服議殯於堂謂之殯

六年正月次公奉夫人之喪自

江陵至遂以其月十四日合塋河南緱氏之

高龍原公母弟式自給事中為河南尹孝友

慈良盡費其財以奉公塋未塋之一月詔以

河南為御史中丞領宣州觀察使

中丞武作大夫

將

行

行或作住

召河南令韓愈泣謂曰吾兄之塋於

是而吾為尹於是吾以為得盡其道於吾兄

韓昌黎集

卷第二十五

三徑藏書

也今壓於上命不得視吾兄之棺入此土也

豈非天邪子與吾兒次卿游我重知子凡吾

兄之終事將子是託焉愈既不獲辭既助其

凡役事退又為銘云

有位有年有弟有子

年或作名

從先人塋是謂受

社

河南少尹李公墓誌銘

此李素也據史李素無傳於李

錡傳附見焉

元和七年二月一日河南少尹李公卒年五

十八

尹下或有隴西字或作陸渾

歛之三月某甲子葬河

南伊闕鳴臯山下

或作八月丁亥朔十六日壬寅破之史亦合伊闕或

作陸渾破唐志鳴臯實在陸渾

前事之月其子遣敏哭再拜

授使者公行狀

公或作功非是

以幣悉京師乞銘於

博士韓愈

於一作于

曰少尹將以某月日塋宜有

銘其不肖嗣遺敏杖而執事不敢違次不得

跪以請

月下或存某字

愈曰公行應銘法

公或作功按本句無

首而下句子又禮葬亦無所承其誤明甚

子又禮葬敢不諾而銘

諸或無葬字或無而銘諸三字或無諾而二字皆非是

公諱素字某

韓昌黎集

卷第二十五

三徑藏書

字貞

生七歲喪其父貧不能家母夫人提以

歸教育于其外氏

育或作畜于下或無其字

以明經選主

號之弘農簿又尉陝之芮城李丞相泌觀察

陝號以材署運使從事以課遷尉京兆鄠

鄠音

戶○一統志鄠縣洛屬陝西西安府夏扈國殷崇國秦甘亭漢鄠縣

玳滿以書

判出其倫選主萬年簿

倫上或無其字主或作注非是

而母

夫人固在食其祿母夫人卒三年改尉長安

選監察御史奏貶九卿一人改詹事丞遷殿

中侍御史由度知員外郎選令萬年

貶或作股或無

郎字選令萬年或年遷萬年令

公主奪驛田

主下或有簿字云簿如簿錄之

簿非是

京兆尹符縣割畀之公不與改度支郎

中使

度支或作屯田

侍郎介恃不禮其屬大夫士擅

喜怒賞罰公獨入讓不受

特或作特非是或無擅字○元和元

年四月以兵部侍郎李異為度支鹽鐵轉運使

劉闢平上以蜀賞高

崇文尚書省以崇文幕府爭鹽井因革便不

便命公使崇文

以崇或作與崇或無不便字

崇文命幕府

唯公命從即其日事已疏奏侍郎外稱其能

竟坐前敢抗已

事已或作事以

衢州飢擇刺史侍郎

韓昌黎集

卷第二十五

三徑藏書

曰莫如郎李某遂刺衢州至一月遷蘇州

如郎

下或有中字遷下或有刺字○時以杜兼為蘇州刺史兼曰李錡且反必且奏族臣上因

雷為史部郎中而以素為蘇州刺史

李錡前反權將之戍諸州

者刺史至斂手無敢與敵

或無權之二字或無敵敵字或無敢

字皆非是○二年十月鎮海節度使李錡反先是錡選腹心三人為所部三州鎮將姚志

安處蘇州李深處常州趙惟忠處湖州丘自明處杭州高肅處睦州察刺史動靜及將反

各令殺其刺史

公至十二日錡反公將左右與賊戰

州門不勝賊呼入公端立責以義皆斂兵立

不逼

端或作號非是

錡命械致公軍將斬以徇及境

錡適賤縛公脫械還忤州

或無縛字○錡反素為志安所賤生

致于錡具桎梏釘于船舷未及京口十月潤州大將張子良李奉仙等執錡素獲免賊

急卒不暇忤歿民抱扶迎盡出

急卒一作竟平今按州字

句絕賊卽錡將之戍州作亂者以公至之速不及交歿為州民執以迎公耳然民字以下

必有天子使貴人持紫衣金匱以賜居三年

州稱治拜河南少尹行大尹事

六年三月以河南尹鄒士

美為昭義軍節度使以素為少尹行大尹事七年二月許孟容自兵部侍郎代素為尹

呂氏子貝弃其妻著道士衣寇或無謝母曰

當學仙王屋山去數月復出閒詣公公立之

韓昌黎集

卷第二十五

三徑藏書

府門外使吏卒脫道士冠給冠帶送付其母

黜屬令二人以賊減民賦錢歲五千萬請緩

民輸期一月詔天下輸皆緩一月

賊或作賊古通用然

不知此句當如何讀若賊字屬上句卽下文減賦別為一字若屬下句卽是以所沒入之

賊代民賦錢也但屬上句者語意差謬耳干或作十公一斷治不收聲

事常出名上曾祖弘泰簡州刺史弘或祖乾

秀伊闕令父燮宣州長史贈絳州刺史母夫

人燉煌張氏其舅參有大名

氏下或有封西平郡太君六字

參或公之配曰彭城劉氏夫人

公或作君氏夫人下或有

封彭城縣君

夫人先卒其葬以夫人祔夫人曾

祖曰子玄祖曰餗皆有大名公之子男四人

長曰道敏舉進士其次曰道樞其次曰道本

道易皆好學而文或無其次曰道樞

上或有其

女一人嫁蘇之海鹽尉韋潛自簡

州而下皆葬鳴臯山下銘曰

高其上而坎其中以爲公之官奈何乎公

或有立字或

集賢院校理石君墓誌銘

校理下或有

韓昌黎集

卷第二十五

三徑藏書

石字○石洪佐烏重胤于河陽公嘗

有詩及序送之至是卒公祭以文又

銘其墓云○退之送石處士序何等

波瀾及誌石處士墓何等質實可知

君諱洪字濟川其先姓烏石蘭九代祖猛始

從拓拔氏入夏居河南九或作七下文七世

拓音托拔蒲撥切拓拔或作拓跋○廣韻引

周書王秉王典並暢姓拓至氏又有拓拔氏

初黃帝子昌意少子受封北土黃帝以土德

夏謂中

遂去烏與蘭獨姓石氏而官號大司

空

後魏孝文帝太和十八年遷都洛陽二十年盡改復姓故身石蘭止為石氏以河南為望後魏官氏志身石蘭氏故姓石氏有司空蘭陵公石猛

後七世至行

褒官至易州刺史於君為曾祖易州生葵州

金華令諱懷一卒葬洛陽北山金華生君之

攷諱平為太子家令葬金華墓東而尚書水

部郎劉復為之銘君生七年喪其母九年而

喪其父能力學行去黃州錄事參軍則不仕

而退處東都洛上十餘年行益修學益進交

遊益附聲號聞四海

海或作方李翱嘗有薦洪狀謂明經出身曾任

韓昌黎集

卷第二十五

三徑藏書

冀州糾此黃字蓋誤

故相國鄭公餘慶畱守東都上言

洪可付史筆李建拜御史

建字杓直元和三年十月高郢為御

史大夫奏建為殿中侍御史建舉洪自代

崔周禎為補闕

禎或作楨或作周

頌从示大雅文王詩从木當兩存之

皆舉以讓

以或作與非是

宜歛池

之使

盧坦

與浙東使

薛

交牒署君從事

君下武有為字

河陽節度烏大夫重胤閒以幣先忝廬下

或有

故為河陽得佐河陽軍吏治民寬攷功

奏從事攷君獨於天下為弟一

得上或有所字○元和五

年四月以烏重胤為河陽節度使表洪為府參謀

元和六年詔下河

南徵拜京兆昭應尉校理集賢御書明年六月甲午疾卒年四十二娶彭城劉氏女故相國晏之兄孫生男二人八歲曰壬四歲曰申女子二人顧言曰塋灰所七月甲申塋萬年白鹿原旣病謂其游韓愈曰子以吾銘以或作與銘曰

生之艱成之又艱若有以爲而上於斯

唐故江西觀察使韋公墓誌銘

諸題唐故或有

或無或有銘字或無銘字皆從舊本石本多用大唐字○韋丹新史列之

韓昌黎集

卷第二十五

三徑藏書

循吏傳皆取公墓誌及杜牧所作遺愛碑爲之○公紀丹德政云其大如是其細可畧也然其大者亦止如是則何以言功被入州邪文特詳密可觀

公諱丹字某姓韋氏

字某或作字文明

六世祖彥寬

仕周有功以公開號於郎

郎音云○彥寬名叔裕以字行仕周

爲大司空封郎國公左傳郎人軍其郊

郎公之子孫世爲大官

彥寬子津位內史侍郎戶部侍郎判尚書事

津子琨字玄理唐太子詹事封武陽縣侯琨子幼平岐州參軍幼唯公之父政卒雒縣丞

平子抱貞梓州刺史贈號州刺史公旣孤以甥孫從太師魯公真

卿學太師愛之

或無太師愛之四字

舉明經弟選授峽

州遠安令以讓其庶兄

峽或作峽或地理志非是

入紫閣

山事從父熊通區經登科

登下或有明區經三字或無登字

紫閣山卽終南之別峰今在西安府鄠縣

歷校書郎咸陽尉佐邠

寧軍

貞元四年七月以張獻甫爲邠寧節度使獻甫表丹佐其府

自監察

御史爲殿中侍御史徵拜太子舍人益有名

遷起居郎吳少誠襲許州拜河陽行軍司馬

未行少誠歿改駕部員外郎

河陽下或有軍字或無未行二

字少上或有適字

新羅國君歿

新史新羅弁韓苗裔也居漢樂浪地橫干

韓昌黎集

卷第二十五

三徑藏書

里縱三千里東距長人東南日本西百濟南瀕海北高麗而玉居金城環八里所衛兵三

千人公以司封郎中兼御史中丞紫衣金兔往

弔立其嗣故事使外國者常賜州縣官十員

使以名上以便其私號私覲官公將行曰吾

天子吏使海外國不足於資宐上請安有賣

官以受錢邪卽具疏所以上以爲賢命有司

與其費

資或作貲或無以爲賢三字

至鄆州會新羅告所

當立君歿還拜容州刺史容管經略招討使

始城容州周十三里置屯田二十四所化大

河東

元和二年正月以宰相杜黃裳為河中
晉絳慈隰節度使是日以丹為江西觀

使

公既至則計口受俸錢委其餘於官罷八

州無事之食者

洪江饒虔吉
信撫袁八州

以聚其財始教

人為瓦屋取材於山名陶工教人陶聚材瓦

於塲度其費以為估不取贏利凡取材瓦於

官業定而受其償從令者免其賦之半逃未

復者官與為之貧不能者畀之財載食與漿

親往勸之

畀或作裨
賜或作材

為瓦屋萬三千七百為

重屋四千七百姓無火憂暑濕則乘其高別

韓昌黎集

卷第二十五
十三

三徑藏書

命置南北市營諸軍歲早種不入土募人就

功厚與之直而給其食業成人不病飢為長

衢南北夾兩營東西七里人去濞汚氣益蘇

衢上或無長字濞息列切汚或作汙字
通。易井濞不食注不停汚之謂濞

復作

南昌縣徙廩于高地因其廢倉大屋馬以不

連成

馬或作馮不或作為成或作廩新
史作以廢倉為新廩馬息不成

明年

築堤扞江長十二里疏為斗門以禿潦水公

去位之明年江水平堤老幼泣而思曰無此

堤吾屍其流入海矣

老上或有
既退二字

灌陂塘區百

九十八得田萬二千頃凡爲民去害與利若嗜慾居三年於江西八州無遺便其大如是

其細可略也其大下九字或作其大不可略如是或作其大略如是皆非是

一無也字卒有違令當歿者公不果於誅杖而遣

之去上書告公所爲不法若干條法下或有者字朝

廷方勇於治且以爲公名才能臣治功聞天

下不辨則受垢詔罷官畱江西待辨使未至

月餘公以疾薨使至辨凡卒所告事若干條

皆無絲毫實詔答卒百漉嶺南公能益啣春

韓昌黎集卷第二十五三徑藏書

秋五十八薨於元和五年八月六日公好施

與家無剩財剩或作贖自校書郎至爲觀察使擁

吏卒前走七州刺史與寬客處如布衣時自

持卑一不易或無如布衣時四字或四字在不娶

清河崔氏故支江令諷之女某官某之孫或支

作枝有子曰寘年十五明經及第嗣其家業後

夫人蘭陵蕭氏中書令華之孫殿中侍御史

恂之女皆先公終有女一人或無史字凡公男若

千人女若干人或無女若干人四字杜牧作遺愛碑云有子三子寘宙

岫宙咸通中檢校尚書左僕射司平章事充
嶺南節度岫終福建觀察使真無聞唐史世
系表則著寘宙審而
遺岫審大理評事
明年七月壬寅從葬萬

年縣少陵原或無縣字將葬其從事東平呂宗禮

與其子寘謀宗禮即呂恭字敬叔温之弟曰我公室得直

而不華者銘傳於後固不朽矣或無直而不華者五字及

傳於後固四字而復出得銘二字云我公室得銘得銘不朽矣寘來請銘銘

曰

武陽受業始於太師即頽真卿以官讓兄自待不

疑勤于紫閣取益以甲可謂有源卒用無疵

韓昌黎集卷第二十五三徑藏書

慊慊為人矯矯為官慊音歉慊慊或作謙謙漢書慊慊常若不足

爰及江西功德具完名聲之下獨處為難辯

而益明仇者所歎歎音難碑于墓前維昭美故

納銘墓中以識公墓識式志切

唐故河南府王屋縣尉畢君墓誌銘唐順

畢氏出東平畢氏本畢公高之後其後世為東平須昌人歷漢魏

晉宋齊梁陳士大夫不絕晉有畢湛為中書郎湛子卓字茂世

太興末為吏部郎北史畢徽象子元賓父子

相繼為兗州刺史元賓六子祖朽祖髦祖歸

祖旒 祖榮 祖暉 祖歸 子義暢 祖榮子 入國朝
義允 義允子僧要 祖暉子義總 義雲

有為 司衛少卿 貝邢廬 許州刺史者曰憬或入

作人屬上句 ○標河南偃 憬之子構 累官至師人武后時為司衛少卿

吏部尚書 卒贈黃門監 是為景公構一作稱 非是 ○新

舊史有傳 畢構字隆 擇終於戶部尚書世 景 系表亦作戶部 然舊史畢誠傳乃稱吏部

公生抗 為廣平太守 抗安祿山城陷 覆其宗

贈戶部尚書生抗抗作况世系表作抗傳作 况而世系官職亦不同覆其宗

或作其 宗覆焉 尚書生 炯家破時 炯生始四歲四或 作七

與其弟增 以俱小 漏名籍 得不誅 為賞口賊

韓昌黎集 卷第二十五 三徑藏書

中寶應二年 河北平 宗人宏 以家財贖出之

求增不得 增長為 河北從事 兼官至御史中

丞 炯既至 長安宏 養於家 教讀書 明經弟明

弟一句疑有脫字或經下 當有中字或登字之類 宏 歿 益壯 始自

別為 畢氏 歷尉 臨渙 安邑 王屋 年六十一 以

元和六年 二月二日 卒於官 初罷 臨渙 徐州

節度 張建 封慕 廣平之 節 歿節或 作歿節 聞 君 篤

行能 官請 相見 署 諸 從事請上或有以幣字 署上或有遂字按

諸字 疑衍 攝符 籙 令 四年 及尉 王屋 徐之 從事 有

爲河南尹者聞君當來喜謂人曰河南庫歲入錢以千計者區六十萬須謹廉吏今畢侯

來吾濟矣入錢或作出入繼數尹諸署於府者無不

變而畢侯固如初竟以其職諸或作請君睦親

善事過客未嘗問有無既卒家無一錢凡棺

與墓事皆同官與相識者事之墓或作葬娶清河

張氏女女下或有子字女子字疑皆因下文誤入生男四人曰鎬

鈺鉢銳女子三人其長學浮屠法爲比丘尼

其季二人未嫁以其月二十五日從葬偃師

韓昌黎集卷第二十五三徑藏書

之士婁銘曰韓昌黎集卷第二十五

上古愛民爲官求人苟可以任位加其身其

後喜權人自求官退而緩者身後人先故廣

平夾節而子不荷其澤王屋謹廉而神不福

其謙嗚呼天與人苟無傷其穴與墳

試大理評事胡君墓銘三字句

胡之氏別於陳周武王封胡公滿於陳其支子自稱胡氏明允先

河東人允或作元○明允或作國世勤固戴厥身固或作國

戴或作載籍文譜進連倫惟明允加武資力牛虎

柔不持吏夏陽有施為夏陽同州去平陽民

思悲平陽晉州郡名河東土河陸原宏茲人肖厚完

厚完或作後昆或作省厚寬皆非是○厚完字見晉語 五十七不足年

孤兒啼成下官母弟證秩大夫秩或作秩非是○胡弟證

元和九年以御史大夫帥振武十三年召還此下又云友韓愈司馬徒豈十二年從征淮

西時邪然則秋當為秩明矣撫君遺哭泣書撫或作石友韓愈

司馬徒公時為行軍司馬從裴度平蔡故云司馬徒或謂公是時為太史司馬徒

謂司馬遷父子耳以誌無年月日故二說不同作後銘系序初

襄陽盧丞墓誌銘或有唐故字○朱熹曰此與後篇張圓志

韓昌黎集卷第二十五三徑藏書

文體特為橫逸與諸篇不同亦其文之變也但此篇中稱吾者皆述盧語

而最後一吾字乃韓自吾似少分別耳唐順之曰一篇俱是求文者自言

更不言一字

范陽盧行簡盧下或有君字將葬其父母乞銘於職

方員外郎韓愈曰吾先世世載族姓書世世或作

五世○盧植字子幹涿郡涿人後漢北中郎將子毓字子家魏司空容城侯毓子挺字子

笏泰山太守挺字志字子道軍諮祭酒志子諱字子諒司空從事中郎諱子偃慕容氏營

丘太守偃子邈范陽太守邈子玄字子真後魏中侍郎玄子伯源字湯烏祕書監伯源子

道將字祿業燕郡太守道將子懷仁字子友弘農太守 吾胄於跡拔氏

之弘農守守後四伐吾祖也爲沂錄事參軍

沂下或有州字○懷仁子
彥卿東宮學士彥卿孫璣 五世而吾父也爲

襄陽丞始吾父自曹之南華尉歷萬年縣尉

至襄陽丞以材任煩能持廉名萬年二字
或作三去

襄陽則署鹽鐵府出入十年常最其刻府下
或有

職字十下
或有五字 貞元十三年終其家年六十七殯

河南河陰南下或有縣字縣
字或在河陰下 吾母燉煌張氏

也王父瓘爲克之金鄉令之或
作州 先君歿而十

三年夫人終年七十三從殯河陰或歿下無
而字年下

韓昌黎集 卷第二十五
十九 三徑藏書

有而 生子男三人居簡金吾兵曹行簡則吾

其次也大理主簿佐江西軍其幼可久女子

嫁浮梁尉崔叔寶將以今年十月自河陰啓

葬汝之臨汝之汝原葬下或有於字臨汝下
或有縣字汝原上或有

臨 字 吾曰陰陽星曆近世儒莫學獨行簡以其

力餘學能各一世舍而從事於人以材稱差

其父母乞銘以圖長存是真能子矣可銘也

遂以銘以圖長存或
作圖久長存 弘農諱懷仁沂諱璣襄

陽諱某今年實元和六年沂下或
有州字

唐河中府法曹張君墓碣銘

李肇國史補云張圓

佐韓弘舊吏弘初秉節事無小大委之後乃奏貶圓多怨言及量移誘至汴州極歡而遣之行次入角店白日殺之然此誌言遇盜歿途中亦未曾略及貶謫之意則國史補未必可信也○序請銘之辭最婉楚茅坤日本其妻夫人之言為誌歐公多摹此法

有女奴抱嬰兒來致其主夫人之語曰妾張

圓之妻劉也

劉下或有氏字

妾夫常語妾云吾常獲

私於夫子且曰夫子天下之名能文辭者凡

所言必傳世行後

或無夫子字非是

今妾不幸夫逢

韓昌黎集

卷第二十五

三徑藏書

盜歿途中

逢或作遇

將以日月葬妾重哀其生志

不就恐歿遂沈泯

泯或作各

敢以其稚子汴見先

生將賜之銘

汴下或有兒字或無將字○汴張圓子名

是其歿不

為辱而名永長存所以蓋覆其遺胤子若孫

且歿萬一能有知將不悼其不幸於土中矣

胤下或有若字

又曰妾夫在嶺南時嘗疾病泣語曰

吾志非不如古人吾才豈不如今人而至於

是而歿於是邪若爾吾哀必求夫人銘是爾

與吾不朽也

古下或無人字○茅坤日請銘凡兩節而意却不重疊

愈

既哭弔辭遂叙次其族世名字事始終而銘

弔下或有卽字今按既辭而遂叙其事蓋一辭而許所謂禮辭者也君字直

之祖謹父季新皆為官汴宋閒君嘗讀書為

文辭有氣有吏才嘗感激欲自奮拔樹功名

以見世初舉進士再不弟因去事宜武軍節

度使得官至監察御史坐事貶嶺南再遷至

河中府法曹參軍攝虞鄉令有能名進攝河

東令又有名遂署河東從事絳州闕刺史攝

絳州事能聞朝廷元和四年秋有事適東方

韓昌黎集卷第二十五三徑藏書

既還八月壬辰歿于汴城西雙丘年四十有

七明年二日日葬河南偃師日或作庚午破長曆元和五年

二月無庚午若曰庚午則正月晦也葬下或有于字妻彭城人世有衣

寇或無有字祖好順泗州刺史父泳卒蘄州別駕

四人男一人嬰兒汴也是為銘

太原府參軍苗君墓誌銘

君諱蕃字陳師漢有陳蕃故蕃字陳師其先楚之族大

夫亾晉而邑於苗世遂以苗命氏楚若敖熊儀生子曰

鬬伯比伯比生子良子良生越椒字伯棼以罪誅其子賁黃奔晉晉邑之苗後以為氏

其後有守上黨者惠于民卒遂家壺關

按潞州上

黨郡有山其形似壺漢置關於此因立為縣今屬山西潞安府曾大父延嗣

中書舍人延嗣父襲蔓高路不仕贈禮部尚書大父含液舉進

士弟官卒河南法曹延嗣二子含澤含液皆登弟父穎揚

州錄事參軍君少喪父受業母夫人舉進士

弟貞元十一年登進士弟佐江西使有勞三年使卒

貞元十一年八月以路寰為江西觀察使蕃佐其府十三年九月寰卒後辟不肯

雷後使李巽辟蕃蕃辭獨護其喪葬河南遷補太原參

軍河東節度嚴綬表佐其府假使職獄平貨滋息吏斂手

韓昌黎集卷第二十五三徑藏書

不敢為非年四十有二元和二年六月辛巳

暴病卒其妻清河張氏以其年十二月丙寅

葬君於洛陽平陰之原以曆推之丙寅為其月十九日男三

人執規執矩必復其季生君卒之三月韓諱日按

世系表苗襲義生延嗣延嗣生含液含液生穎穎生蕃蕃生著著生惇惇恪惇生台符惇

生延義又按登科記惇長慶二年惇大和三年惇八年台符大中八年延義乾符二年皆

相踵登弟然有可疑者世系表以惇惇恪為蕃之孫詰謂蕃卒於元和二年男女皆幼自

元和二年至長慶二年甫十五年豈遂有孫登弟耶然則世系表蕃之下所謂著者誤矣

疑惇惇恪即蕃之子而執規執矩必復者蕃歿時幼而未名特其小字云爾其後遂各惇

憚恪也嗚呼蕃歲時其困如此其後子孫之盛則如此爲善者可無忘矣君同生

昆弟姊凡三人皆先歿四室之孤男女凡二

十人皆幼遺資無十金無田無宮以爲歸無

族親朋友以爲依也天將以是安施邪宮或作家

爲依或無爲字○漢以前以鎰名金漢以後以斤名金鎰者二十四兩斤者十六兩諸史

傳中或言百金或言萬金皆以銘曰一斤爲一金十金者爲十斤也

有行以爲本有文以爲華恭以事其職而勤

以嗣其家位卑而無年吁其奈何

韓昌黎集

卷第二十五

三徑藏書

以嗣其家位卑而無年吁其奈何

以嗣其家位卑而無年吁其奈何

以嗣其家位卑而無年吁其奈何

以嗣其家位卑而無年吁其奈何

以嗣其家位卑而無年吁其奈何

以嗣其家位卑而無年吁其奈何

以嗣其家位卑而無年吁其奈何

唐韓昌黎集卷第二十五

唐韓昌黎集卷第二十六

明馮李蔣之翹輯注

碑誌

唐朝樞大夫贈司勳員外郎孔君墓誌

銘

或無郎字。孔君名戡，按關里志爲孔子三十八代孫。舊注云三十

六代非也。曾大父務本，頴達族孫。滄州東光令。大父如珪，海州司戶。贈工

部郎中。父岑，父著作。佐郎贈尚書左僕射。墓在河南陰子。五人載戡戡戡

戰也。戡元和中與公偕分司東都。卒公爲作此銘。○一篇只述佐盧從史

一事。此是戡生平大關係所在。故特爲表之。其序次亦極婉暢。王世貞曰

韓昌黎集

卷第二十六

三徑藏書

退之誌孔戡不言其爲宣尼苗裔，亦文章疎畧處。

昭義節度盧從史有賢佐曰孔君諱戡字君

勝昭義軍潞州也在河東貞元二十年八月以盧從使爲昭義節度使表戡爲書記。○

一廼先祀賢佐二字立案從史爲不法君陰爭不從則於

會肆言以折之從史羞面頸發赤抑管伏氣

不敢出一語以對頸一作頰伏一作吐。○伏氣猶言屏氣也。或引漢叔

孫通傳伏抑首蓋言伏地而抑首耳其說非是立爲君更令改章辭

者前後累數十坐則與從史記古今君臣父

子道順則受成福逆輒危辱誅歿曰公當爲

彼不得爲此從史常聳聽喘汗

曰上或有且字常或作當

非

居区六歲益驕有悖語君爭無改悔色則

色或作意亦通作也字非是

悉引從事空一府往爭之

史雖羞退益甚君泣語其徒曰吾所爲止於

是不能以有加矣

以有或作有以

遂以疾辭去臥東

都之城東酒食伎樂之燕不與當是時天下

以爲賢論士之宐在天子左右者皆曰孔君

孔君云

皆上或無者字曰下或有唯字或無復出孔君字或復出云字

會宰

相李公鎮揚州

元和三年九月以宰相李吉甫爲淮南節度使

晉奏

韓昌黎集

卷第二十六

三徑藏書

起君君猶臥不應

猶或作獨

從史讀詔曰是故舍

我而從人邪卽誣奏君前在軍有某事上曰

吾知之矣奏三上乃除君衛尉丞分司東都

詔始下門下給事中呂元膺封還詔書上使

謂呂君曰吾豈不知哉也行用之矣明年元

和五年正月將浴臨汝之湯泉壬子至其縣

食遂卒年五十七公卿大夫士相弔於朝處

士相弔於家君卒之九十六日詔縛從史送

闕下數以違命流于日南

元和五年四月鎮州行營招討使吐

突承瓘縛從史送京師貶驩州司馬按歐陽
修書從史禱聰明山記曰闕從史官屬題各
見孔戡與烏重喬俱列于後而退之記戡事
云戡屢諫不聽卒爲重喬所縛嗚呼禍福成
敗之理甚明先事而言則罕見從事至
而言則不及自古敗亂未始不由此 遂詔

贈君尚書司勳員外郎蓋用嘗欲以命君者

信其志其年八月甲申從堊河南河陰之廣

武原南下或有府字陰下或有縣字廣武原
或作其地云唐河南府無河陰縣非是

志河南府有之 君於爲義若嗜欲勇不顧前

後於利與祿則畏避退處如怯夫然始舉進

士弟自金吾衛錄事爲大理評事佐貽義軍

韓昌黎集卷第二十六 三徑藏書

軍下或有帥字 軍帥歿從史自其軍諸將代

爲帥或無自其字貞元二十年
六月貽義節度使李長榮卒 請君曰從

史起此軍行伍中凡在幕府唯公無分寸私

分或作方非是 公苟留唯公之所欲爲君不得已留

一歲再奏自監察御史至殿中侍御史君或
作居

從史初聽用其言得不敗後不聽信惡益聞

君弃去遂貶祖某其官贈某官父某其官贈

某官諸本作祖如圭皇海州司戶贈工部員
外郎父岑父皇著作郎贈駕部員外郎

非是按世系表及孔殘志如圭本作如珪員
外郎著作郎駕部員外郎亦皆誤此後人續

增者故不可信君始娶弘農楊氏女卒又娶

乃爾詳見題注其舅宋州刺史京兆韋妃女皆有婦道凡生

一男四女皆幼前夫人從葬舅姑兆次卜人

曰今茲歲未可以祔從卜人言不祔君母兄

幾尚書兵部員外郎母弟戢殿中侍御史以

文行稱朝廷將葬以韋夫人之弟前進士楚

杵之狀授愈曰請為銘銘曰

允義孔君茲惟其藏更千萬年無敢壞傷

皆有傷字文理音韻已無可疑舊本偶爾脫

漏好事者遂以為無傷字使此銘為敬後語

韓昌黎集四卷第二十六

三徑藏書

故中散大夫河南尹杜君墓誌銘

或無散字

君或作尹○杜君名兼史有傳公與兼皆嘗佐張建封于徐州至是兼歿河南尹而公為都官員外郎為銘

杜氏自戴侯畿始分戴侯之子恕為幽州刺

史今居京兆諸杜其後也

畿字伯侯京兆杜陵人魏河東太守

中寬後三世曼為河東太守葬其父泅水之

陽泅胡端切或無之陽字○寬字務叔舉季廉為郎中曾孫曼仕石趙為從事中郎河

東太守汨水出

其後世皆從葬汨水

下或有之陽字

及正倫為太宗宰相猶封襄陽公

曼玄孫君賜君賜子

景字宜明州府交辟不就景子裕字慶延仕齊樂陵令四子正玄正藏正儀正倫高宗顯

慶元年三月以正倫同中書門下三品顯慶二年九月封襄陽郡公三年十一月罷今云

太宗

誤也 太宗始詔葬京兆襄陽公無子以兄正

藏子志靜後遂嗣襄陽公

或複出嗣襄陽公字

生僑為

懷州長史弃官老沁水上為富家卒葬懷州

武陟長史生損為左司郎中卒贈少大理

或作

大理少卿

大理生廩為鄭州錄事參軍歿思明亂

韓昌黎集

卷第二十六

三徑藏書

贈吏部郎中

大理或作少卿廩音異

公諱兼字某郎中

弟三子

廩三子曾左金吾兵曹參軍冀太學博士少即兼也

舉進士弟

建中元年兼第進士

司徒北平王燧戰河北掌書記累

官至監察御史其後佐徐泗州軍

貞元四年十一月張

建封為徐泗濠節度使表佐其府

遂至濠州刺史

本傳載兼刺濠州日

誣劾韋賞陸楚二人以罪殺之而子厚杜兼對乃取其在濠州能擯鍾離令之讒今二事

誌皆不載豈以其善不足以掩惡故略之耶抑誌與傳異故叙其族出歷官卒之年月日

與夫生娶而巳也

徐泗州軍亂以兵甲三千人防淮

道不絕

諸本甲三千人四字皆在下文金魚之下而魚下復有兵字殊無理甲字

亦疑行或當在兵字
上姑闕以突知者

有功加御史中丞賜紫

衣金奩入爲刑部郎中以能官拜蘇州刺史

旣辭行上書曰李錡且反必且奏族臣上固

憂其才書奏卽除吏部郎中

或無中字

遂爲給事

中出爲商州刺史金商防禦使改河南少尹

行大尹事半歲拜大尹元和四年十一月二

十二日無疾暴薨年六十明年二月甲午從

塋懷州夫人常山郡君張氏彭州刺史贈禮

部侍郎旣之女

旣音

生子男三人柔立爲天

韓昌黎集

卷第二十六

三徑藏書

長主簿詞立爲壽州參軍諡立爲順宗挽郎

女一人

順上或無爲字

將塋公之母兄太學博士冀

與公之夫人及子男女謀曰塋宜有銘凡與

我第游而有文者誰乎遂來請銘銘曰

杜氏大家世有顯人承繼綿綿以及公身始

爲進士乃篤朋友及作大官克施克守

及作或作

乃

纂辭奮筆渙若不思公牒盈前笑語指麾

祿以給求食以會同不畜不收庫廩虛空事

在于人日遠日忘

在于一不在

何以傳之刻此銘

章
唐銀青光祿大夫守左散騎常侍致仕

上柱國襄陽郡王平陽路公神道碑

銘
此文多从石本夫下一無守字仕下諸本無上柱國襄陽郡王七字

平陽或作陽平非是破唐世系本當从平陽碑銘或作碑文○按石本其

首云朝議郎守國子博士上騎都尉韓愈撰銀青光祿大夫守吏部尚書

上柱國榮陽縣開國侯鄭餘慶書將仕郎右拾遺內供奉賜緋袋陳皓

篆額其後云元和七年歲次壬辰十月丙子朔十五日庚寅建則所撰年

月當亦在是也

韓昌黎集

卷第二十六

三徑藏書

惟路氏遠有代序自隋尚書兵部侍郎諱袞

四代而至冀公

代或並作世袞石本作克或本世表作袞○按袞封闕鄉

公袞子文昇平愛秦三州刺史封宜城縣公昇子元恣榆次令元恣子太一太原令

公諱嗣恭以小邑蕭關令發聞開元受賜更名書于太史

令下或有聞字賜或作錫○嗣恭其初名劒客以世庵為鄴尉

蕭諫黜陟河朔表為蕭關令徙神烏姑臧二縣放績上上為天下最玄宗以為可嗣漢魯

恭因賜今名字懿範治行靈州終功南邦享有丕祉給

開厥家官至兵部尚書封冀國公薨贈尚書

右僕射司空

治或作始或無司空字○永泰元年閏十月嗣恭由戶部侍郎

爲朔方節度使大曆七年正月以嗣恭爲江
西觀察使八年九月循州刺史哥舒晃反殺
嶺南節度使呂崇貴十月以嗣恭兼嶺南節
度往征之十一月克廣州斬晃轉檢校兵部
尚書公諱應字從歿冀公之嫡子嗣恭二子恕應用大

臣子謹飭擢至侍御史著作郎選刺虔州選或

作遷○貞元初以應爲虔州刺史唐虔州今爲贛州府屬江西割餘零都作

縣安遠以利人屬餘或作諫人或作民下同

邑鑿敗灘石以平輳梗輳古暗切又音戚○一統志贛水名府城

北章貢二水所合抵萬安界有十八灘中多
怪石頗險唐史云兼鑿贛石梗險以通川道

陶甃而城罷人屢築詔嗣冀封又加尚書屯

韓昌黎集卷第二十六三徑藏書

田郎中進服色遂臨于溫築堤岳城橫陽界

中二邑得上田除水害上田或作上苗拜尚書兵部

郎中兼御史中丞淮南軍司馬改刺廬州又

甃其城人不歲苦人或作民苦詩廉切音甃或作苦非是○苦蓋也草

覆屋也入爲尚書職方郎中兼御史中丞佐鹽

鐵使使江東有功用半歲歷常州遷至宣歙

池觀察使永貞元年十二月自常州除觀察使進封襄陽郡王

王或作公非是至則出倉米下其估半以廩餓人蜀

闢誅行軍千五百人於蜀蜀闢或作劉闢或蜀下別出劉字

李錡將反以聞置鄉兵萬二千人錡反命將期以卒救湖常坐牢江東心錡以無助敗縛

作響山亭營軍于左右權丞相善之饒其說

響山石響山宣州山谷居宣五年以疾去位校其倉

得石者五十萬餘府得錢千者八十萬石下或無

者公之為州逢水旱喜賤出與人歲熟以其

得收常有贏利故在所人不病飢而官府畜

積人或並作民贏或作餘元和六年天子憫

公疾不可煩以職卽其處拜左散騎常侍以

韓昌黎集卷第二十六三徑藏書

其祿居其歲九月望薨于東都正平里第年

六十七歲上或無其字明年葬京兆萬年少

陵原夫人滎陽鄭氏祔既其子臨漢縣男貫

與其弟賞貞謀曰室有刻也既下或告於叔

父御史大夫邺坊丹延觀察使恕因其族弟

進士羣以來請銘遂以其事銘曰

冀公之封維艱就功襄陽繼大啓慶自躬于

虔洎溫厥緒既作以及職方遂都邦伯朝夕

人事下完上實人或師于其鄉鄰寇逼屈營

軍響山牆屋修施修或作循褒功刻表丞相

之辭功或作嘉受代而家叙疏及邇病不能廷食

祿卒齒凡代大家維難其保凡代一既顯既

願戒于終咎願或作碩伊我襄陽克慎以有延界

後承莫不率守承或作丞有墓于原維樹在經在

有以告無期博士是銘博士或作傳世非是

烏氏廟碑銘

烏承此重胤之父也許孟容作神道碑○茅坤曰序

烏氏世系及職功處錯綜而釋

韓昌黎集

卷第二十六

三徑藏書

元和三年天子曰盧從史始立議用師于恒

元和三年三月成德節度使王士真卒其子承宗自為駕後上欲革河北世襲之弊從史

時為昭義節度使遭父喪因左軍中尉吐突承璀說上請發本軍討承宗由是復從從史

委其成功十月詔削奪承宗官爵以承璀為拾討宣慰使命恒州四面藩鎮各進兵共討

乃陰與寇連夸謾兇驕出不遜言其執以來

其四月中貴人承璀即誘而縛之其下皆甲

以出操兵趨譁牙門都將烏公重胤當軍門

叱曰天子有命從有賞敢違者斬從下或於

是士皆歛兵還營卒致從史京師壬辰詔用

烏公爲銀青光祿大夫河陽軍節度使兼御

史大夫封張掖郡開國公

重胤自貽義都知兵馬使路州左司

馬拜銀青光祿大夫懷州刺史河陽三城懷州節度使兼御史大夫

居三年河

陽稱治詔贈其父工部尚書且曰其以廟享

其以或作以其

卽以其年營廟于京師崇化里軍佐

竊議曰先公既位常伯

謂工部尚書

而先夫人無

加命號名差卑於配不宐語聞詔贈先夫人

劉氏沛國太夫人八年八月廟成三室同宇

祀自左領府君而下作主于第乙已升于廟

韓昌黎集

卷第二十六

三徑藏書

宇一作牢非是○三室同宇史記渭陽五帝廟同宇韋昭曰謂上同下異也後漢以來公

私廟制皆爲同堂異室

烏氏著於春秋譜於世本

世本十五

卷錄黃帝以來帝王諸侯洎卿大夫系氏名號

列於姓苑

姓苑十卷何承天著

崔日用著

在莒者存

左傳昭二十三年莒子庚輿虐而好劍烏

存率國

在齊有餘枝鳴皆爲大夫

一本云在齊有餘枝

鳴者爲大夫或齊下有者字或餘下有有齊

○左傳襄二十四年齊人城郟之歲其夏齊

秦有獲爲大官

史記秦武王時力士任鄒烏獲皆爲大官

其後世之江南者家鄒

陽處北者家張掖

烏氏後魏烏洛侯之裔國邑在漢東二千餘里貞觀

初貢獻內屬代爲功臣因官徙地今爲張掖人或入夷狄爲君長唐

初察爲左武衛大將軍實張掖人其子曰令

望爲左領軍衛大將軍孫曰蒙爲中郎將是

生贈尚書諱承玘字某贈下或有工部字玘或作洽新史承玘有

傳字德潤重胤傳亦云承玘字也溫公攷異嘗加辨正朱樊本皆作承玘蓋許孟容嘗爲

承玘碑石本猶傳於世新傳蓋本此也烏氏自莒齊秦大夫以

來皆以材力顯及武德已來始以武功爲名

將家開元中尚書管平盧先鋒軍屬破奚契

丹屬或作屢非是○屬連屬之意也北狄有

丹區一契丹二奚三室韋四黑水五渤海韓昌黎集卷弟二十六三徑藏書

從戰捺祿忤可突干突干或作突于或作汗于今從許碑作于捺奴

葛切○可突干契丹之勇將也新傳奚契丹入寇承玘破於捺祿山又戰白城承玘按陰

而出其右斬首萬計可突干奔北渤海擾海上至馬都山吏

民逃徙失業或無擾海字○樊汝霖曰或謂破走可汗干渤海上追之至馬

都山吏民逃徙失業蓋因可突干入寇而然止是一事今按許孟容作烏承洽城邑公

渤海王武藝出海濱出邊要善則是捺祿忤可突干以本營士馬防邊

而馬都山拒武藝二事不同或者之論過矣新史據孟容神道碑及公廟碑而作司馬溫

公攷異以新史爲誤恐攷異未見孟容碑刻耳尚書領所部兵塞其

道塹原累石累或作壘綿四百里深高皆三丈寇

不得進民還其居歲罷運錢三十萬餘黑水
室韋以騎五千來屬麾下

黑水室韋二國名黑水即鞞鞞

邊

威益張其後與耿仁智謀說史思明降

至德二載

安慶緒兵敗走保鄴郡史思明判官耿仁智說思明歸唐思明然之以所部十三郡及兵入萬來降十二月以思明為歸義王范陽節度使

思明復叛尚書與

兄承恩謀殺之事發族夷尚書獨免

許碑承恩

承毗之從父兄也李光弼以聞詔拜冠軍將軍守右

威衛將軍檢校殿中監封昌化郡王石嶺軍

使石嶺或作左嶺非是積粟厲兵出入耕戰以疾去職

韓昌黎集卷第二十六三徑藏書

貞元十一年二月丁巳薨于華陰告平里年

若干許碑年九十六即葬於其地二子大夫為長大夫

重季曰重元為某官銘曰我族軍

烏氏在唐有家於初左武左領二祖絡居左領

或作右領中郎少卑屬于尚書不償其勞乃相大

夫授我戎節制有壇墟制有或作有數備禮

登以有宗廟或無數字登下有壇字今按數備禮登數字乃各位不同禮亦

異數之數言制數既備禮亦增崇也袁氏廟碑所謂數以立廟亦是此意若如或本即上

句已言授節不應至此始言登壇况登壇又與立廟不相關乎作廟天都以

致其孝右祖左孫爰饗其報按廟制以西爲上或作左祖右

孫非云誰無子其有無孫其有或作孰其克對無羞

乃惟有人克或作光念管平盧爲艱爲瘁大夫承

之危不弃義四方其平士有迨息來覲來齋

以饋黍稷

唐故河東節度觀察使榮陽鄭公神道

碑文或無唐故河東節度觀察使九字○序次最有機致有點綴忽

於悲愴之餘狀其平生正是令人可想

河東節度使贈尚書右僕射鄭公塋在榮陽

韓昌黎集卷第二十六三徑藏書

索上河南志開封府榮陽有索水即漢高帝與項羽戰於京索者也今有索亭驛

元和八年六月庚子太史尚書比部郎中護

軍韓愈刻其墓碑曰司馬氏遷江南有鄭謩

者仕慕容垂國爲其太子少保謩字君明魏將作大匠

世孫仕垂爲太常少卿其孫簡當拓拔魏爲榮陽太守

謩子温燕太子詹事生三子暉號北祖恬號中祖簡號南祖後簡者號其

族爲南祖南祖之鄭入唐有爲利之景谷令

者曰嘉範簡生季馴馴子馴於公爲曾祖是

生撫俗爲泗之徐城令徐城生公之父曰洪

卒官涼之戶曹參軍

涼之武州

公諱儋少依母

家隴西李氏舉止異凡兒其舅吏部侍郎季

季或作李謂下或有日字或謂作日其必

卿謂其必能再立鄭氏

作必其○以下凡七能字如貫珠

稍長能自課學明左氏春

秋

課或作謀今按蜀志出師表自謀以進士

字文選亦作自課恐公用此語

選為太原參軍事

大曆四年弟

對直言策拜京兆

高陵尉攷府之進士能弟上下以實不姦樊

僕射澤以襄陽兵戰淮西公以參謀留府能

任後事

興元元年正月以樊澤為山南東道節度使澤奏儋為參軍

戶曹

韓昌黎集

卷第二十六十五

三徑藏書

殯于涼涼地入西戎自景谷徐城三世皆未

還榮陽塋公解官舉丕喪為三墓塋索東徐

城墓無表公能幼長哀感心求不置以得舊

人指告其處

公能下或有使字或無哀字云自少而長求之不置也心字屬

下句○其事絕類丕父之衢

其後為大理丞太常博士遷

起居郎尚書司封吏部二郎中能官舉其名

德宗晚節儲將於其軍以公為河東司馬能

以無心處嫌間卒用有就

間或作問非是或無卒字有就或作

其說非是

貞元十六年將說成即詔授司馬節節

度河東軍

或無卽詔字馬下或無複出節除字○將說攷嚴綬傳李說也

其官爲工部尚書太原尹兼御史大夫北都

留守

貞元十六年十月河東節度使李說卒僉自本軍行軍司馬除檢校工部尚書

充太原尹北都留守河東節度使

公之爲司馬用寬廉平正

得吏士心及昇大帥持是遣不變

昇或作升帥或作師

部將有因貴人求要職者公不用用老而有

功無勢而遠者削四鄰之交賄省媵嬖之大

燕校講民事施罷不埃日

媵或作誇校講或作講校

用能

以十月成歧岷征就寬軍給以饒

岷或作賦或作民

韓昌黎集

卷第二十六

三徑藏書

十七年疾廢朝夕八月庚戌薨享年六十一

天子爲之不能臨朝者三日

或無能字

贈尚書右

僕射卽以其年十月辛卯塋索上疾比薨醫

問交遣比塋予贈賜使者相及凡河東軍之

士與太原之氓吏及旁九郡百邑之鰥寡外

夷狄之統於府者聞公之薨皆哭曰吾其如

何

軍下或無之字或作之軍氓或作民○河東節度府管汾遼沁嵐石沂代憲凡九州

公與賓客朋遊飲酒必極醉投壺博奕窮日

夜若樂而不厭者

與或作爲若或作若

平居簾閣據几

終日不知有人別自號白雲翁

令狐楚嘗為太原從事唐

志有表奏十卷自號白雲孺子蓋以媚儻也

名人魁士鮮不與善

好樂後進及門接引皆有恩意

與善屬上句好樂屬下句

或本以善為其而連好樂為句非是○呂覽疾學而不能為魁士名人者未之有也始

娶范陽盧氏女生仁本仁約仁載皆有文行

二季舉進士皆早歿仁本為後子獨存不樂

舉選年三十餘始佐河陽軍後娶趙郡李氏

生三女二夫人凡三男五女長女嫁遼東李

繁繁亦名臣子有才學遺命二夫人各別為

韓昌黎集

卷第二十六十七

三徑藏書

墓不合葬系曰

士常患勢卑不能推功德及人

常或作嘗下同

常患

貧無以奉所欲得

患下或有勢字

若鄭公勤一生以

得其位而曾不得須臾有焉雖然觀其所既

立其可知已嗚呼哀哉

魏博節度觀察使沂國公先廟碑銘

或有

田氏字○石本云朝議郎守尚書比部郎中史館修撰護軍韓愈奉勅撰

朝議大夫安定胡證書并篆額京兆府解有此碑○歐陽修曰自天聖以

來學者多讀韓文而患集本舛訛惟予家本更校時人共傳號為善本及

後集錄古文得韓文之刻石如羅池黃陵廟碑之類以校予家集本外謬猶多若田弘正碑尤甚蓋由諸本不同往往妄加改易今以碑較印本初未必誤多為校讎者妄改易之乃知文字之傳久而轉失其真者多矣則校讎之際決於取舍不可不謹也

元和八年十一月壬子上命丞相元衡

武元衡

丞相吉甫

李吉甫

丞相絳

李絳

名太史尚書比部

郎中韓愈至政事堂傳詔曰田弘正始有廟京師朕惟弘正先祖父厥心靡不嚮帝至訖不得施乃以毅付厥子維弘正銜訓事嗣朝

韓昌黎集

卷第二十八

三徑藏書

夕不怠以能迎天之休顯有不功維父子繼

忠季

事嗣或作嗣事嗣下或有于字○弘正父廷珣大厓中為滄州刺史恒州李寶

臣幽州朱洎聯兵攻擊欲兼其土宇廷珣固守卒能保全朝廷嘉之遷洛州岐湘州建中初田悅領魏博節度使志圖凶逆名廷珣為副蓋悅父承嗣與廷珣為從昆弟也及悅姦謀敗露廷珣曰爾藉伯父遺業可守朝廷法度坐享富貴何苦與恒鄆同為叛臣若狂志不悛可先殺我乃謝病不出三年憤鬱而卒子維寵嘉之是以命

汝愈銘欽哉惟時臣愈承命悸恐明日詣東

上閣門拜疏辭謝不報退伏念管者魯僖公

能遵其祖伯禽之烈周天子實命其史臣克

作為駟駟泮閼之詩使聲于其廟以假魯靈

駟音似假音格○四詩皆見魯頌按詩疏成王以周公有大勳勞於天下故賜伯禽以天子之禮樂魯於是乎有頌以為廟樂其後又自作詩以美其君亦謂之頌舊說伯禽十九世孫僖公申之詩今無所攷獨

閼宮一篇為僖公之詩無疑耳今天子嘉田

侯服父訓不違用康靖我國家服上或有能字靖或作靜

蓋寵銘之所以休寧田氏之祖攷而臣適執

筆隸太史奉明命其可以辭或無隸字謹案魏博

節度使銀青光祿大夫檢校工部尚書兼魏

州大都督府長史御史大夫沂國公田弘正

韓昌黎集卷第二十六三徑藏書

州或作博或無兼字○元和七年十月以弘正為銀青光祿大夫檢校工部尚書魏州大

督府長史兼御史大夫上柱國沂國公充北魏博等州節度觀察處置支度營田等使

平盧龍人故為魏博諸將弘正始名與季安時為衙內兵馬使

忠季良慎田季安卒季安高祖環平州人官都水使者環二子宇義

延暉延暉安東都護府司馬守義二子承嗣延琳承嗣子緒緒子季安季安子懷諫延琳子悅廷暉子廷珣元

和七年八月季安卒其子幼弱用故事代父

人吏不附迎弘正於其家使領軍事季安卒懷諫自

知軍務時年十一以弘正為都知兵馬使懷諫幼弱軍政皆決於家僮蔣士則數以愛憎移易諸將諸將憤怒咸曰兵馬使吾帥也即指其家迎之弘正拒之不可弘正籙

其軍之衆與六州之人還之朝廷悉除河北

故事比諸州故得用為帥按田弘正本傳世多臣順大節公特

纘括其以六州還朝廷一事而頌美之辭特詳銘中甚得體已而復贈其

父故滄州刺史兵部尚書母夫人鄭氏梁國

太夫人得立廟祭三代曾祖都水使者府君

祭初室祖安東司馬贈襄州刺史府君祭二

室兵部府君祭東室其銘曰

唐繼古帝海外受制此據石本外或狎于太

寧燕盜以驚狎或作洽羣黨相維河北失平號登

韓昌黎集卷第二十六三徑藏書

元和大聖載營風揮日舒威順指令業業魏

土嬰兒戲兵嬰兒謂懷諫吏戎愁毒莫保腰頸頸或

領人曰田侯其德可倚叫譟奔趨乘門請起

田侯攝事奉我天明天或作王非○左傳范氏中行氏反易天明注

言不事君也又云二子順天明公語出此束縛弓戈戎校度程

提壇籓戶來復邦經提或作提帝欽良臣曰羅錫

予嗟我六州始復故初告慶于宗以降命書

于宗或作宗廟以降或作降以旌節有韜豹尾神旗纛兜戟

纛以長魏師纛或作纛非是蓋纛謂弓服纛乃纛之無底者非兵仗也田

侯稽晉臣愚不肖道茲有成祖攷之殺帝曰

俞哉維汝忠孝予思乃父追秩夏卿媿德娠

賢梁國是榮媿匹詣切媿之刃切又音身。媿配也言梁國配兵部之德媿

孕也左氏后緡方娠媿賢謂生田弘正也田侯作廟相方視吐見

于著龜祖攷咸喜暨暨田侯兩有文武暨音

暨暨果毅也禮戎容暨暨訖其外庸可作承輔承或咨汝

田侯勿亟勿遲觀饗式時爾祖爾思饗或作

爾思或作祖考之思或作爾祖之思

韓昌黎集 卷第二十六 三徑藏書

10091

思海介爾風文思爾思或作爾祖之思

田侯於頌於戲維馨左報爾祖爾思爾思或作爾祖之思

于著龜爾女淑壽暨暨田侯爾亦文哉暨音

賢梁國是榮媿匹詣切媿之刃切又音身。媿配也言梁國配兵部之德媿

孕也左氏后緡方娠媿賢謂生田弘正也田侯作廟相方視吐見

于著龜祖攷咸喜暨暨田侯兩有文武暨音

暨暨果毅也禮戎容暨暨訖其外庸可作承輔承或咨汝

田侯勿亟勿遲觀饗式時爾祖爾思饗或作

唐韓昌黎集卷第三十六終

